



樊榭山房集卷第四

錢唐 厲鶚 蕭太鴻

詩丁

人日同陳授衣丁敬身石貞石登吳山用石壁
上東坡先生釋迦院看牡丹韻學乙

紅妝小隊行春時江山著色供吾詩坡公健句入苔石
花殘石泐公應知登高今日情難已不約還成七人矣
嬉游大好同隊魚何必飛騰千萬里

西湖感舊和貞石

少年落魄惜春寒花外層樓燭影殘一片湖光渾似舊
雨聲不到出闌干

樊榭山房集卷四

原作

石文

碧桃猶繞舊池臺吹徧東風尚未開游客重來人不
見簾前細草短於苔

和余葭白題唐子畏畫韓熙載夜宴圖

韓郎自是江北人避地去作江南臣更從江南到江北
便道江南有人憶歸來笑擁名花叢疏眉小面居當中
干枝銀燭照舞影滿堂賓客看驚鴻門生解事執樂句
燕支拍碎聲穿空耐嬉跌宕君莫笑一半桃李無春風
宮中唱念家山破燒槽哀怨傳何窮聊將羣婢汗名檢
此意未必聞重瞳六如居士不並時何由戶外三更窺
筆底故有嬌與施我不見畫但見詩詩工直疑畫遜之

眼飽鉛黛嘲貧兒從來裴休說法爲人願不妨衲衣乞食隨歌姬

揚州清明有感

游絲墮地花斑斑客如顛當長閉關芹芽入市刀鯨上非我無酒閒心顏翻書偶記柳州柳千言寄友經憂患斟捧奠孑立拜埽阻舉首北望啼痕潛迴腸振觸事雖異阿父淺土情尤艱敢求范氏上吉冢真事但得雍伯無終山不官免學右軍誓有約直待龐公還西山地燥一抔足雲衣水樂相迴環其旁種竹置丙舍賤天乞得清且閑年供麥飯作寒食祀罷松鳥鳴啗啗嗚呼此願果何日新烟旅食茱萸灣

樊榭山房集卷四

二

夏五閑居八首

始春游廣陵仲夏返敝廬出如謀食鳥歸似止鰲魚江湖已相忘三歎無定居開窗延眾綠檢我牀頭書冥冥雨響池戎葵卧無次南史展一編蕭條有餘思冶中好貴囚正以簪紱累鳴蛙亦復佳何必當鼓吹書生賦分薄一飽走佗郡淮南米貴賤曾致杜老問汎舟及吾鄉是役恤民隱隣商或不前曷以周遠近錢唐古城東幽澹水木趣故人能曷予寫寄灌園賦至正時希隱居此城來自號灌園生且清江瑗爲作灌園賦陳榜山在眞州會書一通見胎詩蔬利於鬻荷鋤跡尤慕

西山隔城青白氣半爲雨

借書出北郭籃輿白蓮風俯仰蓬藿下詩緗復史通鼓

琴賞山雨不送雙飛鴻沖晦去我遠皓首見此翁

吳丈志上

小山好兄弟侔來問消息正直卸擔初相見吐胃臆冷

泉觀雨詩崩崖與筆力想見坐聞鐘竹雲暗燈色

趙功千意深

沈髻身鶴立居心乃瀟靜去作長沙游幸不卑溼病風

健湖口帆霞送滕閣興料君垂橐歸世故已先定

沈欒城

今日理生衣快風收鬱蒸飛蟲強多喙逐去棲荒塍茗

和月露煮盤剝青腰菱試效采菱歌鄉味得未曾

梁溪舟中苦熱寄汪青渠

頻年奔走厭川陸六月浮舟信更難蘋末不傳涼吹起

峯尖空逼火雲看只愁嘲客徐常侍詎肯因人梁伯鸞

記得松陰對揮塵掬泉龍吻酌清寒

樊榭山房集卷四

三

答蔣文靜山蠶墅見寄

相望經年闕報書江關復此感離居我貧爲客交親絕

君老辭家齒髮疎蹤跡前身三事衲英雄晚計百金魚

萍流匏繫俱難遣濁酒何時過敝廬

題馬佩兮所藏馬麟摹黃筌春波瀉鷺圖

江南別岸風蘭密宛頸文禽水中出回眸不異錦城春

內家最賞臣麟筆沈浮一對常相見漢宮應有顓房燕

可憐未得辟寒金夜夜羈雌怨秋扇

楚中有刻近人詩者謬收鄙作其閒姓旁誤增

力字戲成俳體寄吳尺鳧

展卷風前睡眼醒何人未辨六書形蕭生有系知非贊

溫尉如存笑帶令旅食欲添雙鬢白鄉書只說兩峯青
多年不得詩書力早晚烟波買釣舡

秋雨雜述四首

吳江澹秋水雲氣垂太湖我時趁風雨身作歸舟圖風
橫雨亦斜帆敲不可扶船舷帖波走獵獵吹青蘆撫枕
那得睡快意翻驚呼舟人小搖手笑客一何愚明朝中
元近武林酒堪沽

憶昔游永康亂山趨小邑竹輿兩日行行行雨如織千
松萬松中聲與飛泉集紙傘但蓋頭肩胛已盡溼野廟
聊暫休青草無壁立荒涼此何神香火久不及豈能司
陰晴土偶亦垂泣秋氣衣裳單雨勢暮尤急宿處隔山

樊榭山房集卷四

四

腰穿雲更深入

欺客雨灑燈驕風馬騰阜長安望迢遙蓓縣苦流潦同
行功名人甘寢固自好而我悲秋徒百念集如擣候窗
聽雞鳴結束出門早陰雲暗車蓋深泥沒車道大野回
清商淒紅染林棗積水解照顏一夜頓成老

農飢望時雨雨足願無違士飢在遠行遠行不救飢今
年淮南秋有夢先書歸覺來聽激雷枕簟涼霏霏舊事
忽上心充斥何由揮挑燈歌此曲愁絕聽者稀

八月四日晚雨極涼

急雨淮上來沈沈暗樓堞須臾風引去秋星照涼葉孤
客坐悄然愁思紛重疊誰與話流光熟衣先在篋

授衣續婚廣陵戲贈長句

陳郎三載蕪城住不復寒衾夢秋雨人生會合何可量
圻鄉山色空濛處美如孺子豈長貧才是丁儀當與女
卻扇甯無故劔思寫韻依然玉臺侶吾鄉昔者吳安中
宋錢唐吳師禮唐陵王臺原之孺子陳明俱上書陳郎盛禮將無同只愁掃眉筆矜慎求
書不肯面發紅扁舟共載須怒怒吳山晴翠開簾櫳生
兒未學游絲帖一笑堂前慰乃翁

九日雨中集葭白齋

年年秋禊在天涯伏雨闌風亦復佳夢語蟬連同短榻
鄉心鶴望繞閑堦醉依菊塢敲斜坐靜檢書籤次第排
不是故人齊臭味登高無地可開懷

樊榭山房集卷四

五

吳中有書賈來廣陵出古錢三百餘見示刀布
正僞諸品皆備汪君祓江拓其文凡四以遺予
一曰千秋万岁面有龍鳳形一曰長生保命面
有北斗及男女對立狀一曰斬妖伏邪面有立
神一蹲虎一符篆一一曰龜鶴齊壽面無文蓋
古厭勝錢也暇日裝潢成冊爲詩題後并邀祓

江同作

翠墨手拓圍輪文空齋寶氣歛浮雲我有蕭愚子和癖
嗜好與世殊薺薰雪繭留跡聊猷眼造自何代誰云云
千秋万岁僅著錄景嚴好事資前聞千秋万岁錢見洪遵泉志其三吉語
擅蒼雅自藉神力通殷勤下土氓臣但稽首長生大帝

保命君于餅解崇光景絕

宋周希稷詩謝家解崇吐于餅

縞衣青純年平分

反觀陽幕得奇質

儲華谷云錢以有字處爲際無字處爲陽

龍鳳騰霄虎輪乙斗匡

首戴聲迴環揄袂交帟永爲匹世閒兒女例心忪雨冷

重屏夢蕭瑟乞將後魏五男錢遠勝淮南萬畢術撒之

未足慰寒人佩此端能已愁疾壯夫也復愛虛名叩齒

清思坐幽室裝成一日百回看探囊尙有雕蟲筆

汪爲山亦贈予厭勝錢拓本文曰金玉滿堂篆

書面有雙龍繞之上有柄作片雲形大徑二寸

續裝於冊更爲賦詩

金玉滿堂語見之老氏書所貴在能守盈縮相乘除胃

脯或連騎舐痔乃得車貨緣走權要極意爲佃漁轉瞬

樊榭山房集卷四

六

領軍屋鎖溜集夔魍得失鄭人夢此足發軒渠錢環篆

四字字偃披薤如善祝兼寓規陳義難齟齬片雲抱廓

外山氣鬱不舒日冠月有珥陰詈紛騰挐水衡駭未賂

詩客何由儲紙勞脫輕影一再結相於故人意不淺編

想叛物初不貪永爲寶無悔亦無譽

十月江天未隕霜阿師橋畔善和坊早梅門巷如人白

殘柳旗亭勝酒黃公案此時參閉目風光何地不迴腸

莫言新雁無才思小草傷春句一行

十月十八日同余葭白陳授衣閔廉風游禪智

適聞古寺名荒遠默有會牽率聯臂游新勇劇動膾平
疇棲餘糧疎籬擇寒菜年登緩鄉思樂事且人外坡陀
掉尾岡氣壓全楚大因知岷峨靈小住踞其最枳關羅
高松落落十數輩塵耳迷聽瑩爲我發空籟遠烟老渾
城低帆召伯埭指點虛無中晴出山影碎隋宮宿佛驅
清淨掩侈汰土木非昔時書燈黃葉內亦列千便娟風
竹見舞態井谷窺深泉匳鏡寒不曉了知起滅想無用
勞感慳何來寶誌公跣足入殘繪吳裝僅形模石剝損
風帶壁陷眉山書傳刻但茫昧新苗老葉句未受詩案
劾寺有石刻吳道子誌公像東坡和蘇伯固游蜀圖送李孝博使節表詩跡疑歲月駛劫換名字在鬪
螳俛人羣放眼寄大塊胡爲雲萍身物役自拘閹暫託

樊榭山房集卷四

七

賢友生林垌得佳賚彼哉稗沙門慢幢之應對此邦重
賈雄餘習被香界一笑下頽陽叢雁破霜霽

冬日移寓葭白齋中二首

城邊烏尾排檣竿楚天盡處吳天寬南商北使津鼓競
歲晚誰道川塗寒客牀高坐自偃塞來書不觀目空睥
徙徙尙阻西上魚體中何如強眠飯明徵君伯生
閑門清寂如野亭四壁鉛槧棲餘馨諸餘益益殊碌碌
古甕洗蝕銅花青銷寒絕唱誰能和斗柄闌干雁聲墮
對牀無雨也可憐君能館我支頤卧坡白近作補寒雜咏數上首

畫松歌送沈丈樗崖歸宣城

明徵君伯生先生之孫

耕巖先生冠社籍儒衣欵受思陵辟飛章首論武陵楊

閉口曹蜍動顏色昭亭仙去無消息今代名孫古遺直
輪囷壯氣無所施老腕生松萬鈞力蒼龍鬱律蟠曾臆
昨夜山南夢吞得天寒張鬣不作雨驅向剡藤但僵立
仰聽傾崖清響入俯窺凍壑圓陰逼坐我石梁布水側
豈識松身元是墨北風客舍逢君揖白髮滿頭面黧黑
欲持勁質贈時人金錯刀囊慳反澀槎枒忽壓俗眼驚
醜怪能怖嬌嬰泣愛君幅幅有題句何異前朝述祖德
襍衾篋畫乘歸航與松偃卧江路長到日柴門宛溪上
舊種手掇絲苓香君其行矣慎雪霜

雨中過錫山

寒塘淼淼風聒聒耳唯聞榜牀撥九龍頭角半入雲

樊榭山房集卷四

八

只有東峯塔穎脫隔岸人家倚衰柳帶溼炊烟青一抹
帆遲目短望漸遙頗羨安居對疎豁秦餘杭山次第迎
爲乞紅萍照裘褐

歸來

歸來抖擻布衣塵竹几藜牀意最真坐愛陽光通一室
卧聞冰雷落比隣淮南書內題春女揚子經中說夜人
我有心情狎寒晝九達不著自由身

正月八日城南紀游二首

以下兩首

梵天寺

廢寺不鳴磬林鳥散夕陽山曾識坡老塔尙記錢王初
地藤纏瓦三門竹補牆人閒重陳迹畱坐看江光

崇聖院

春早禪扉靜長廊得恣行小詩同勝事前輩復高情松
密窗窗碧泉多步步清吾師謝無逸埽地過平生壁間石
刻米仲

詔聞子將姚有俊李長蕩嚴無救諸公
詩勝事如雲言頗多損精微無救何也

十二日同聖幾汎西溪暮宿姚氏莊

溪風吹小艇竹色過橋昏幽子賞此意欲與山鳥言鳥
飛向烟曠緣流到柴門丁男解迎客中婦羅酒尊莫笑
濁酒酸古道賴以存燭至月已上散步長松根空山藹
微白春夜雲遂繁是知歲事初物候漸可論余生困棲
泊稍得依田園溪源接天目一夜清心魂

新市道中

樊榭山房集卷四

九

擘岸風多損晝眠荻芽短短不生烟水村無避春寒處
來覓酒家門繫船

曉發烏戍大風過平望

落月瞰低篷睡思紛以積隔樹雞亂號已辭休文宅披
衣起盥饋到眼盡前跡誰令數往還自詭非物役正賴
吳壤佳關心太湖白水黯雲兼風聊闊不爲窄輒浪大
於鷺艤子坐受拍銀魚漸上市櫂酒香可坿春初人行
少芳意佇遙客夢尋銅井梅簪花去腰笛

泊垂虹橋謁三高祠疊前韻寄陳楞山

吳淞洵可居烟水古所積王郎臞巷詩佳處肯買宅橋
緇玉蟠螭漁樵見行跡篙師頗解事萬景入驅役落手

釣雪灘鳧陣際波白蒼茫遠帆歸天影與寬窄興豪驚
吳兒闌干有時拍荒祠最庫隘苔甃碣已圻池石湖三高祠
記碑僅存半截

船笛

太鴻放舟垂虹橋謁三高祠有詩見寄依韻奉

答

勤縣陳撰楞山

細雨聞歸鴻相思夜來積忽傳連紙詩佳興如沈宅
吳淞我熟游此段失蹤跡要須期新涼偕子更于役
扁舟凌萬頃攬盡玉華白縱心觸遙盈目開偏窄
深杯計較足相與共浮拍長吟激水面寸寸秋翦坼
便可呼三高奚暇問主客此樂五百年黃樓風月笛

樊榭山房集卷四

十

雙橋

不復緣故道遲遲望水關雙橋舟楫減十里浦雲閑陸
子逃名早梁生避地艱漁郎無所恨日夕和歌還

二月一日丹陽舟中初晴

故國陰彌月江程晴一朝流年供浪跡極目咏離騷陔
暖初青麥沙明上信潮熟知春事近更覺旅情遙

憶笥

三月春風老鄉園未得書平安問修竹甘脆憶家蔬雨
綠盈山市泥香送佛廬清饒有如此血味願教除

餅中桃花

不擬花遮眼欲知春未闌映窗憐曉色注水養餘寒悵

望無言甚殷勤命笑難臯亭紅萬樹讓與別人看

四月吳淞好二首

四月吳淞好天低樹壓橋青蘆界湖尾白鳥點山腰踏
水女初嫁擲魚童尙髻令人慙寄食客思轉蕭蕭

四月吳淞好商船發更稀城陰水楊柳港馥野薔薇村
熟知嘗酒涼多不減衣垂虹亭上望隊隊晚漁歸

五月二日生日有感

又是江南梅雨天此生逾壯思悠然矜張久厭宣明面
草澤誰知正禮年去年謝曉下可梁情類疲牛踏陳跡身如

社燕寄偷椽兩年薄佳時畢竟推吾土樹外雲峯對榻眠

題陳惟允采菱圖

樊榭山房集卷四

土

水村並青山叢灌無重數曲渚藏幽軒片雲過飛雨彼
美學操舟搖浴出前浦相期采芳伴弱腕牽翠縷長歌
淥水調知音心獨苦垂綸者誰子習靜看沈羽高士諒
貞心明妝若無睹日落渡頭波風吹湖上樹

次韻

仁和趙

信意林

采菱復采菱菱香不知數綠葉出波平刺船響於雨
佳人重芳鮮三五沿南浦清歌唱滿湖餘音嫋如縷
水滂槩山之陰竟日忘炎炎苦照影惜朱顏驚飛雙翠羽
此中把釣翁時聞更親睹愛任水鄉寬晚峯窺倒樹

坐聖幾秋聲館作

吳水抽帆乍到來梧桐高館共遲回屋頭大葉自吟雨

衣上綠陰如染苔五柳先生雖寂寞雙楠居士不塵埃
明朝知有書船至珍重荆扉手爲開

午日湖上同少穆耕民觀競渡

鄉園五日何所爲相與牽挽趨湖湄湖波帖妥平似席
波上忽有羣龍嬉龍頭昂昂尾幟幟伐鼓撻金聞近遠
青山幾點彩幟飛萬人拍手回橈健吳兒踏浪兩足霜
鏡心越女開紅妝大船小船更旁午此豈有意哀沈湘
誰家放鴨爭歡謔不用金丸羽毛落分曹齊赴鵝鵝軍
凌波競捉鯤鯨躍須臾細雨東南來水仙鳴佩琉璃堆
天公不令興易盡菰蒲斜日明深杯人生卽事有今古
回首平烟空極浦金明池上奪標圖當年盛事亦已無
獨醒不醉胡爲乎

樊榭山房集卷四

七

聖幾餉龍井新茗一器

松風出竹爐夢成水火戰新芽適開封昏睡不待遣爲
子手淪嘗三嗅復三嚙中有參寥禪風味得正見
吳丈志上七十生日卽次其病起韻爲壽
巨手詞場老斲輪天畱黃髮在衡門情深濠濮常觀物
學邃河汾更有孫應築閑坊題大隱漫論朝士記貞元
長年不用枚乘發宴坐三田默自溫

謂宋叔仲大年

五月十八夜偷兒涉水入室家具頓空戲成集

喧卑芳避俗有跡負前賢

幸喜囊中淨翻令室倒懸莫

須驚白鷺遙憶舊青瑣反樸時難遇何如穩晝眠

秋半苦雨

秋宇何時爽江雲不肯輕蛤潮傷楚稻魚淦賤吳羹客
夢偏多緒農愁非一聲曾無補天漏滿眼急流橫

烘蝨和葭白

微蟲爾何知善齧稱其職回臭性所甘跖香獨不卽求
伯夷種粟向仁祖索食試詰玉溪生此理定無惑棄瘠
而涵腴是爲蝨之賊故人聳山肩寒几燈影側語我怒
蝨輩往往見於色但叢敗絮繒那緣好要裨饗如供帳
行暴或夢枕逼口中妨吟情爪底費書力未驅羞空囊
草辟謝多識安能學獼猴擇之終日昃早起筮得離當

樊榭山房集卷四

三

付女丁礪燎原固足快殲類似猶惻龍性稱難馴鶴儀
頗孤特蝨於二者閒殊形尙潛匿用以成君高有怨始
見德爲君回束縵一點星影施上爛田中螟下照水中
蝨

原作

江都余元甲葭白

百螫潛冬房爾獨襲寒育細縑忽迸逸肘腋失蒸郁
么麼難搪撐猥瑣任挫腕隱蓄噉血心細挾中人鏃
商子二十九有言頗笑僂五蠹作強援三官婪弱肉
汎濫狂不制目已削其樸而尙恣林據不恥賤碌碌
貧者卽噉富者便踏踈就顏轉跣避絕香翻臭逐
遂令志士懷莫不奮翦撲我貧在笥空身惰少湔浴

致爾固有因何至日相蹙聚白塞禪縫變黑升帽屋
亦思出手捕爾眾我乃獨惟藉司烜威一炬赤其族
顛焦細黠殞臍然老姦縮驟枯是烈禍宿饗詎淨福
眾穢蕩爲熾瞥眼頓清肅始知策火攻絕勝具湯沐
山姑息卽滋蔓焚如豈虐酷斥惟士蔚賦破學柯古錄
更作烘蝨詠爲彼職齧告

命繼氣十二月六日大雪初霽同耕民著屐登吳山歸

且歸口檢鄉先輩凌柘軒集有同翟存齋吳山對雪詩

曲發昔因次其韻

天翁戲作冷飛白一夜錢唐風浪拍曉來亟上吳山巔
橫倚玉闌三百尺好奇走喚南隣翁失卻江上諸青峯

焚樹山房集卷四

古

片雲不到塵不到素華倒射扶桑紅此時酒盡興未盡
孤嶼重湖迷遠近垂竿想像昔衣人欲覓良工戴文進
曲磴背接烏龍潭騎松埋石窺茅菴樓臺一色圍縞帶
耳靜已隔交衢談巖冰重結陽光暮楓嶺嗟峩凜難度
玲竚屐齒折高寒驚起飢禽屢回顧歲華炊黍來堂堂
須琢好句題幽篁古今清賞遞相屬十指肯學懸槌僵
山中老仙觀眾妙遺蛻如蟬恥常調洞門不夜鶴無眠
看雪人歸定騰笑

祓江在越州以竹火籠二枚見寄

織筠瑩節光於玉圍就家江水盈幅此君面目含清風
解與人閒作暘谷中函紅泥爐子小如餅可挈藤壺束

烏篷一宿固陵關
伴書遣送長須僕
上言稽山大好雪
雷挂玉龍風折木
裁詩坐念窮東野
致此令成手翻覆
一笑感君故意長
如玉有雙衣有複
杵火微溫生裿底
澗統知無功可錄
薑芽不斂蹲鳴舒
惡札縱橫有惡
奉之高堂遺細君
堪助中廚調茗粥
寒宵不怯金十奴
更爲游子宜春服

樊榭山房集卷四

五

樊榭山房集卷第五

錢唐 鴈 太鴻

詩成

以下下

茗山多有名彩翠盡延眺道場獨爭長孤塔屹自表出
城盪扁舟櫂聲破烟曉路折循麓登湖色浮木杪是時
春不喧羣岫寒悄悄答響入空堂接武出叢篠山僧導
客至清炯窺碧沼焚香誦坡詩作禮共圍繞二君天機
深取映心鏡皎巖際送飛雲樓陰望歸鳥塵緣一以忘
淨義庶能了

歸雲菴拜孫太初墓

樊榭山房集卷五

山風穿竹徑仍暑挂瓢堂生不販雲壑夢猶依佛香雨

昏苔石字僧護鶴田糧悵望空歸去明朝問釣航菴有桂 鄒堂額

鄭少谷書太初舊物也

西湖春雨四首

冥冥苦霧溼堤沙店舍無人酒幟斜已是祠山生日過

小梅猶滯雨中花杭俗以三月八日為祠山張真君生日必有風雨

價低易上郭門船衝破西林一抹烟游屐不來三竺寺

乞晴勞動白衣仙

無賴東風轉柳條雨從月額到花朝少年記得嬉春事

斜日衣香第四橋

遙峯隱見黛眉攢怪底春來無此寒朋比熏爐風味淺

有人樓上泥闌干

二月二十九日同耕民閑步東郊晚眺沙河二

雨多常禁足及此出郊看風力暄猶勁天容霽始寬波
神青櫟廟田祖白茅壇詎學懷甄俗班春話好官

村舍畱人眼魚梁枕水低林長共澄暎雲細得端倪山
影鳴榔遠蘆根下桺齊閑心分物色坐待日平西

在城東爲嚴顥亭少司農所築得詩二首

待郎遺別業幽絕擅城隅風雅今何有荒涼感不無莎
亭通客儻花徑割隣租只共閑人到尋詩向日晡

樊榭山房集卷五

二

似得春愁遣因延野色來垂楊埽慢水叢棘出殘梅學
圃容身隱題名恐俗猜休將雍門淚霑灑舊高臺

是日春社晚歸坐雨寄諸君

霏霏社公雨一片叫蒼鳩勸影燈前酒搖情江上舟句
無劉夜坐興比薛春游爛漫期仍踐更闌簷滴休

清明後一日同大宗敬身西顥聖幾游城東顧

氏莊

節去有餘興行吟不自料汀花烟色舊墓草酒痕消蠶
理今時始茶香見客邀回頭迷萬綠何處認溪橋

暮春馬佩兮來游湖上用去年泊垂虹橋謁三

高祠韻

多君濟勝情重疊如裝積昨來勇渡江穩汎春水宅樓巖

各見東坡集誰為釋幽憂達生寄浪跡笑謝夸毗子汲汲事行

役相逢古城西花下眉最白平湖封初卷放眼開塞窄

魚檻卽堂堂鳧浪飛拍拍此閒著君語彌使氛盪圻衰

回僧樓上為遲白蘋客時或江在吳興未至相與尋清音聒耳屏箏

箏日重

和佩分游冷泉亭

春物已芳柔西山果始游泉喧石頭雨亭壓樹身秋魚

板諸天午香燈古洞幽吟成誰與賞猿鶴此淹留

原作前題事 耶門馬曰璐佩兮

鐘韻一星星幽尋獨此亭山從入寺好泉欲過時聽

樊榭山房集卷五 三

冷氣怯春服清暉隱翠屏我來巖下坐刻石記曾經

獨游滄浪亭五首

桃萼飄紅上菜臺蕩湖艇子轉城隈春陰不憚盤閭遠

為謁湖州長史來

略約難通步屨緣三騶意氣擁林泉人生是事俱關分

他日重游亦偶然是日有達官寓此不得入隔水遙望而已

彷彿南園築北碕鴨毛小漲碧參差行人羞照風塵鬢

手弄垂楊立少時

世波宦轍等羈銜水竹因依最不凡祠屋如聞神爽在

未應蕉萃舊欄衫

回首疎籬帶綠莎歸來猶唱濯纓歌城南一路供怙悵

老木平田古意多

同被江佩兮游支硎山

歎息買山無此君松聲猶遣世閒聞
筇輿穿過石門坵
筇杖撥開泉架分
正始風流餘馬跡
琅邪人物散烏羣
吳娃嬌小何知許
賸把春妝點白雲

寒山尋趙凡夫隱處有法螺菴千尺雪諸勝

寒山寒氣貯春餘
入谷風烟更翳如
崖接扶闌疑蜀棧
樹懸飛雨想匡廬
緇流尙記人偕隱
青竹今無客著書
勝絕未能干日住
楓橋漁火暗村墟

夏至日雨中得金壽門澤州書

昨夜雷驅雨柴門
碧漲平送梅簾額
潤改水井眉清懷

樊榭山房集卷五

四

友無高翻函書自遠程
憐君太行險難減獨詩情

夏至後
井改水

見後
漢書

雨中江上六言四首

樹外雨隨風至塘邊水入田
流帆低廟子沙口人語龍

山渡頭

橘蠹化雙飛蝶桑芽飼再熟
蠶隔岸雲屯黑白近城岫

洗青藍

村娃向井提瓮田父衝烟曳柴老我三家竹墅宜人一

繡櫻鞵

梅候不便北客波官多賽南朝江平觀漲小艇雨歡迎

神洞簫

寄題姚玉裁蓮花莊圖
茗溪之水不可唾蘋洲之風正堪卧月河西面蓮花莊
憶我春寒搖艇過炎蒸那得對絕境世事參差每成左
故人住此寫成圖爲詩卷尾邀朋和解雜碧浪恐寒盟
滌筆冰甌方夏課流聞昔是松雪居畫髓琴心已傳播
山澤何妨予固譏風雅猶忻道昇佐翰林承旨七司戶
插脚紅塵應謫墮池亭蕪廢蒼烟空沙鶻鷓鴣爲偵邏
悠悠今古等傳舍宋宅謝墩靈受沈清才異代遙相望
舉杯酌與林塘賀遙山隔城天鏡倒白雨環橋水蕊破
染書濃綠浮四面收釣涼螢飛一箇秋風鼓櫂擬再來
鯖鮓斫成蓮葉裏

樊榭山房集卷五

五

六月十日同丁敬身石貞石游龍興寺觀唐開
成二年陀羅尼石幢爲處士胡季良書

寺爲梁發心院唐改龍興宋改祥符在杭州城西舊基廣袤九里後漸沒人民舍石幢在夾牆空壁中明季忽放異光居人捨宅重建去今祥符寺里許矣

涼颼洗河橋斜景筍鞦踏青豆垂牆匡古寺門半闔千

年十寶地

王季隨手雜錄錢王有外國頗眩加寶方尺餘狀如水晶置龍興寺佛龕中皇朝改爲太平祥符寺自唐至皇朝凡有十寶此其一也

湫隘屋廬雜九曲何處尋

東坡有祥符九曲觀燈詩廢塹產鳴蛤石幢妙

章草下有舍利納立神捧蓮趺光氣夜歎欲遂令婦子

棲儼化梅檀塔吾儕好奇癖往往臭味合丁君尤勇銳

辯證紛駁還乍睹增雙明久讀繞三帊濡紙脫其文可
供硬黃搨問年值唐季逾歷幾腰臘城中易黑灰此獨
未摧拉瑩無蒼蘚生古色對磨初許醉聲聞酒乘月再

提榼

聖幾送漳蘭二枝二首

垣侵薜荔徑蓬蒿零落幽叢夢想勞忽見微波小翹楚

勝歌二十五離騷

孔行素至正直記明雪窗畫
蘭法有大翹楚小翹楚諸形

全枝明玉最清妍香氣常隨過嶺船只合詩人熏几席

翠壺回施小乘禪

平五夜月夜渡江

露荻風林隱戎樓宵分月上動行舟凌雲髻髯三山意

濯足空明萬里流北府兵廚誰與載南朝詞客肯同游

人閒奇絕成孤賞喚起魚龍一笛秋

北府兵廚宋
時鎮江酒名

段白病瘡初起招飲月下作

樊榭山房集卷五

六

金柔火老爭混茫中人賸理按膏肪水帝之子何披猖
芙蓉旂弄明月朮乘時復出煩厭禳竊據四體爲強梁
將軍亦病顛帝旁呼桓石虔勇可當橫楣齧缺懸蟹匡
閣下力士逃且僵隔日杜陵覩鮮妝曷不拾句誦子璋
乖厓夜談撼隣牆潞公花押筆勢剛夢回便媚授蕉漿
博士冢土低枕囊子有道氣通中黃小苦不肯偃在牀
室無傾視骨節強血味久絕藿食常如蟻決孔堅隄防
辟邪亦有魏迄唐汝不去者後爲糧纖雲四卷月照廊
酒氣拂拂十指香我飲不盡醒而狂仰吸沆瀣斗低昂
爲子七發歌此章矯如鷺濤翩下翔

揚州客舍夜雨

十日秋來九風雨田家客子同煎煩
莎雞溼語此時壁水鶴夜啼何處
村石曼卿已卜親窆許元度將為弟
婚依依顧影在千里想得家人燈下
諭

趙飲谷買得樂安長公主小玉印出
以相示予定其為明光宗女熹宗時
所稱皇八妹者因賦

長歌

揚州塵土日紛紛玉氣市中為白雲
前朝貴主風流遠認得藍田小篆文
瑤華裁向瑤階底母姓便娟本穠李
淚灑龍髯一月餘移宮倉卒驚羅綺
忠臣豈肯為身圖帝姬入井知羣
誣亟封康妃託遺訓誰令國柄歸闍
奴雲鬢扒角年猶小

劉若愚酌中志皇女十餘齡雷髮打扒角至選婚始擇吉上頭

樊榭山房集卷五

七

嬈須與委鬼共銷亡信王握璽瞻天
表初下銀河織女機盈盈十五已勝
衣粉侯纔習膠宮禮便許吹簫出禁
闈賢聲戚畹流傳寡江敷無勞讓婚
者賜花更得日兄憐投瓊特敕行杯
尊愛學江南淺淡妝脂田水碓厭豪
強刻成小印柔荑撫鈿記居然寶繪
堂鐘漏相催歲華擲一枝紅墜悲秦
客朱練冷落橋紐昏不共金箱殉梅
額萬年誅德未足哀賊騎蹴踏都城
摧壯哉都尉又死國碧血滴到珠襦
灰青匳玩物今猶在無用摩挲抄博
人愛為君試續學古編惆悵蟲鏤非
千年

公主以愍帝元年下嫁駙馬鞏永固十六年薨

甲申塗死難

題周兼南唐小周后寫真四首

未合雙鬟最小身秦淮明月白門春漢宮莫話昭陽事
更有人閒返卧人

已識君王尙待年新詞側艷外邊傳銷魂貌出提鞮樣
壓倒南朝步步蓮

羣花偃亞小亭孤卯酒朝酣倦欲扶可記畫堂南畔見
背人無語問流珠

命婦隨朝掩淚光虛聞龍袞紀興亡畫師自有春風筆

不寫傷心入汴梁

龍袞江南野史今所傳不全
載小周后事見王彥獻記

吳山咏古詩二首

麻曷葛刺佛并序

麻曷葛刺佛在吳山寶成寺石壁上覆之以屋元至治

樊榭山房集卷五

八

二年驃騎衛上將軍左衛親軍都指揮使伯家奴所鑿
案元史泰定帝元年塑馬合吃刺佛像於延春閣之徽
清亭下輟耕錄亦稱馬吃刺佛蓋梵音無定字故也元
時最敬西僧此其像設猶惡可怖志乘不載觀者多昧
其所自故詩以著之

寺古釋迦院青滑石如飴何年施斧鑿幻作梵相奇五
采與塗飾黯慘猶淋漓一軀儼箕踞努目雪兩眉赤腳
踏魔女二婢相夾持玉顱捧在手豈是飲月支有來左
右侍騎白象青獅獅背匪錦幪薦坐用人皮髑髏亂繫
頸珠貫何纍纍其餘不盡者復置戟與鉞旁紀至治歲
喜捨莊嚴資求福不唐捐宰官多佞辭我聞劉元塑妙

北元伽兒搏換入紫闥祕密無入知此像琢山骨要使
千年垂徧翻諸佛名難解姚秦師游人跡罕到破殿蟲
網絲來觀盡毛戴香火誰其尸陰苔久疑立想見初成
時高昌畏吾族奔走傾城姿施以觀音鈔百定鴉青披
題以樸檄筆譯寫蟠蚪螭照以駝酥燈深盃明流離俱
以封羊心潔於大祀犧紅兜交膜拜白傘紛葳蕤琅琅
組鈴語逢逢扇鼓馳到今數百禩眩惑生淒其但受孔
子戒元世祖命廉希憲受戒於國
師廉對曰臣已受孔子戒漫書膽巴碑趙子昂延祐二年奉命書膽
巴帝師碑膽巴華言祕密

訪古爲此作聊釋怪謀疑
鐵四太尉在吳山東嶽廟廡下宋名中興觀像凡四軀

樊榭山房集卷五

九

擎拳瞋目醜怪駭人相傳江中浮來郡人有忿爭凶隙
者則迎而詛之案凌彥种柘軒集有吳山東嶽廟化鐵
四太尉疏云吳山東嶽廟鐵四太尉一曰靈應侯二曰
福祐侯三曰忠正侯四曰順祐侯以禦灾危以鐵肖像
非一日矣因軍器造作有欲假爲用者一夕託夢於王
子澄曰吾欲助國將作吾新像以離於此已而果爲圓
用子澄識其語不忘果蒙神祐動止協吉欲求眾力圓
成庶見神功昭著彥种爲至正末人像當重鑄於此時
不知何年復增鑄一軀譌爲五方之神俗名鐵哥而敝
俗不可息矣前代各續續換泰前代人觀畢
岱宗長五嶽秩祀百代舉仙釋爭傳會幽眇竟難距臨

安宋行都寓祭亦名旅四尉知何神封號侯爵序治官
巧范鐵面目黑如秬譌傳汎濤江風掀出沙渚奇事神
降莘里俗文詛楚慎匪金人銘誕將木甲侶泰山上有木甲漢武帝時神也
見應劭漢官儀唯有避俗翁皎皎載玉楮當年著靈功志在捍疆
圍不爲錢可耕不爲釜可煮願鑄爲五兵廓如掃烽炬
報貶重肖形爭傳夢中語斯事略足徵諾臯儻見許衝
寒過琳宮虛廊竄松鼠

春雨有懷徐丈紫山湖上

以下戊申

老大逢春最帶春又經多雨洗芳塵官梅開後野梅落
湖水滿時河水新無事長如秬磨日幾年不作踏燈人
相思只有師川在安得衝泥過比隣

樊榭山房集卷五

十

同敬身東扶過雲居寺傷貞石下世

春色悲人事松門澹夕暉昔游同禮塔今望各霑衣一
病驚才盡三生向佛歸傷心塔草合行跡尙依稀

春日湖上

閉戶皆無事貪游似不閑閨人看禁樹詞客入空山湖
淥淺深際花催寒暖閒春衣如可典拌與飲循環

二月十六日吳尺臯招同表舒雲沈樂城符幼

魯趙谷林意林杭大宗丁敬身包家山看桃花

天公愛花真不錯輕陰爲花張帘幕城南火急三日游

蘆蘆青山花繞郭符融喜接如雲談辛苦京塵乍袖腳

謂幼折簡邀賓吳季子能使故人共斟酌錫簫幫幄柏

下集

遊人荒渡
顧氏真

放眼終嫌少，恢廓提壺取道梵天寺石塔

雙標聳蓮萼，岡盤徑複趾造頂一上江天忽呈躍共藉

草茵勝甌餽古號桃關無鎖鑰

包家山宋時名桃
花關榜曰蒸霞

堪矜佳處

人不知我取眾遺爭大噓綠楊圍屋菜繡畦千樹萬樹

紅約略晴風橫起野色暗恐蕩繁英被圻堞陽侯娛客

更有意酒酣卷地春潮作分明石家錦障外搖動輒流

離一箔烟中越岫儼彼晚倚嬌寒更梳掠我生窮悴

尙足嗟造物供人殊不薄景倩空爲步履至林宗漫有

同舟約豈如我輩詩膽頑解使長雲雨還閣黃鸝三請

花不語散作春愁紛漠漠

清明日出東郊至江上

樊榭山房集卷五

十一

江上人家綠滿林，殘花無處避蹄涔。清明時節孤帆雨，
想見天涯倦客心。

送春日同沈欒城趙功千游南屏四首

過雨山烟薄似紗，截湖小艇遠聞蛙。綠陰誰見春歸路，

借問僧家與釣家。

竹籬苔磴摘青梅，倒影風潭石面開。不見故人汪十六，

精倚闌無與試茶杯。

邵家高冢竄香狸，阜茨花中石獸危。一種滄桑山鬼泣，

奉香猶記永陵時。

明昌化伯邵
林墓在山下

短長橋外去悠悠，瘞瘵盡鶯花莫惱公。明日重來看楊柳，

烟條萬一憶東風。

答西岡明府見懷

罷舉我偏嬾去官君亦貧
娛書親靜客多病愛閑人
落花落郊園晚詩題京洛塵
相思勞遠道已歷幾冬春

懷樊榭孝廉

雲中鮑鈺西岡

湖山春色早幽事閉門多
且免書驢券何妨置雀羅
青雲容俯仰白日任蹉跎
官閣聯吟處於今跡未磨

題大宗松吹書堂圖

閱世翛然滌煩穢著書種松皆十圍
居士散髮兼散衣
疎釵滿地開林扉
羃翠蒙烟漏朝暉
須臾動影颯欲飛
風馭適從何處歸
披薄織末無停機
筌幽咽泉語微
聽匪緣耳悟者希
此中默喻理不違
但將畫本付韋偃

樊榭山房集卷五

七

勿用談柄持張譏

洞 四月十五日同施自榻吳尺鳧游西山入龍泓

淺夏宜尋山幽深最靈鷲
言瞻理公塔濃綠暗晴晝
行勝已十里地奧峯轉秀
石牀不暇坐窈窕入雲竇
乳泉排蜂房其下若懸雷
絕疑秋雨時濺撲到襟
裏圓穴居上頭晃晃天
影漏照見壁間書亡國
有餘話洞刻咸淳丁卯
賈似道同舍翁
恨不裝輕絛佛國殊氣
候思美敦道日 洞於春

由永福寺左上白衲菴
巖巖羣峯圍嵐氣此長鎖
花宮隱叢篁龍湧在其左
山

禽時驚飛高下新籜墮白足導我前細路殊破礮蕭森
不見天連岡接松果何年置圓菴棟宇平帖妥人門忽
破禪猩紈照樛朵山中欲知時結夏乃大可吾儕稱愛
閑永日銷宴坐香餘青衲裊將斷猶婀娜寄語風埃人
微言堪已瘳

石筍峯

西山下夕陽陰翳凌我神拾級愈斗絕苔滑除荒榛澗
泉幽脩詰回頭又無人摘摘叩竹戶童子知迎賓僧房
如旋螺一上一境陳登樓望東嶺彩翠相鮮新林梢斷
崖口杯水浮湖滑請客參石筍樵路隨麕麕十丈未折
設包孕太古春昔聞祖龍學結菴此嶙峋名僧貺幽趣

樊榭山房集卷五

三

遺礎今埋湮太息後來者何幸爲州民

冷泉亭月夜

望月迎峯菴已吐鷲嶺背林間炯積雪搖影紛瑣碎出
門路漸低步步入幽靄過橋松露滴茅屋一犬吠層巒
凹復凸月尙隱其內招要坐空亭萬木鬱垂蓋泉光動
深池翻疑夜當晦聞聲彌覺靜澗韻雜陰籟微於交枝
隙忽見鮮雲挂此時各無語翹首翠屏對颯然古精靈
髣髴妙景會烟中客兒句風外寶公唄欲畱凜生寒將
去如有待今宵單牀夢猶繞琉璃界

迎峯菴曉起冒霧出山

敲枕烏喚客曉望意必佳開窗墮茫茫悵與始願乖遂

辭已公屋勇縛雙青鞵前村十重障不見沽酒牌近寺
溼紅隱孤塔空翠埋霏林漸成雨覆礪疑無屋霑衣不
足惜前進如推排須臾清風至湖水鏡面措夷猶縱一
櫂安坐相談諧人生本何冀俯仰殊所懷

雨中集秋聲館觀唐于府君墓志銘輒

梅雨澌澌守環堵書客無悰遠相聚比隣唐輒未成土
呼童盥手爲迎取縱廣盈尺製樸古厚徑三寸半蝕腐
于君昌嶠字光宇貞元朝士誰比數場有小鋪司湯鹵
奉公夕惕亦矜許井桑缺一嗟薄祐四十字井韻所譜
四十作册先
立切本唐韻終於家堂臯某甫葬之大墓厥子五小猶鬚角
語棲苦總作慙
亦唐韻文簡而該較繁愈剝如弦蟾駢復吐新亭

樊榭山房集卷五

古

山陽幾風雨近人掘自青枝塢湖影冥濛失封樹千年
見日闢幽戶阿紫元駒鬱餘怒織烏西飛誰作主發正
中郎當貸汝峩峩秦亭名可補吾祝無新亭山青枝塢止在秦
亭山之南則秦亭古名新亭也經續者勢踟躕墨響手拓好藏弄遠勝金臺尋石鼓

移居

生涯仍往日俗累復今年半宅從人典方萬里桐江續集有
典半宅詩余適同之全
家冒雨遷栽花無隙地汲井有新泉差喜東城近蕭疎
野趣便

六月一日午睡夢程友聲醒時見壁上懸垂虹
樣權圖乃友聲爲余作者

守窮故鄉居畏暑蓬戶閉風幔小眠齋借作涼雲翳故

八千里駕良覲已隔歲落落知無營不問別來計茶果
俄欲陳驚起厭蟬嘒曉壁得新畫一角題字細帆色入
渺茫峯遠秀于髻寫我汎春寒長橋望雲靈烟墨關性
靈絕境得精詣始悟夢爲因匪直思發噫

苦熱夜坐

晴電忽穿樹好風微動萍移牀池上坐相識有流螢

雨後

返照殘雲斂柴門似水清蘆梢分渚響瓜蔓過牆生在
昔三騶飲傳聞五鼎烹野夫欣雨足米價及時平

初秋同聖幾坐臯園二首

秋水今何似平添碧半篙澄陰交翳樹風色曲通壕蓮

樊榭山房集卷五

五

颺無多葉鷗翻有落毛爲驅殘暑去扇影已辭勞

三徑頻過後烟蕪更勝初難消熱客愛合借野人居黑
蝶秋棠睡青蟲敗葉書不知何所得歸意屢躊躇

秋霽同蔣丈靜山東臯散步

雨收淋露水平池疎豁何妨步履遲淡日青門松葉圃
涼風白屋槿花籬閑尋壞衲安禪處記捕鳴蜚下學時
秋思蹉跎吾已慣先生莫怪鬢邊絲

費衲梁溪漫志吳中以八月露下而用爲淋露雨

秋夜有懷葭白祓江秋玉佩兮

淮南三載任追憶忽今宵舊句開還掩秋燈短更挑烟
明念佛菴葉下擣衣橋多少閑蹤跡相思逐暗潮
八月十八日同丁敬身游龍華寺尋石壁上宋

人題名登慈雲嶺觀永壽院宋仁宗佛牙讚吳越摩崖篆字

城南丁隱君嗜古有神契山心本清虛詩骨不柔脆約
我緣江行驕陽竹傘蔽邏迤峯覆釜參錯樹排薺斜徑
通烟蘿仰見巖壑麗雙林昔傅公全身此中瘞漁竿亦
通禪蕭散久順世入門松影轉殿址秋草翳釋子茅蓋
頭供客馥叢桂舉似藕絲燈莫辨蕭氏製蔡條鐵圍山叢談錢唐龍華寺有傅大士眞身塔及敲門椎誦金剛經拍板執絲燈三物藕絲乃梁武帝時物也所織紋實華嚴會說法相有天人鬼神龍象宮殿之屬政和後索入九禁唯聞
蒼壁下古字徧深欽驚喜極逾量綫路怵子細披荆復
拜竹習勇我能繼下窺臨伏檻上覷攀埤堦向無剜苔
人堙沒八分隸弓韉祠高禘牲玉祀上帝卦賡遺園壇

樊榭山房集卷五

五

仁祠想禮絕其他紀游者北南宋更遞完好十得五姓
名屈指計汗簡不可磨沈碑反爲贅猶令後來輩抉剔
認書勢紀游題名有司馬池周學潛說友徐理等南郊齋宿題名有京體勞錢袁說友李璧陳自強錢象祖謝深甫何澹乘巖等跌坐尚多體勞
坐少休拭汗翠霏袂嶺路近見招餘氣鼓尤銳江色懸
虛窾泉花滴螺髻仁皇頌金骨排儒說滋弊大書摩雲
根作偽殆如窠承壽院石上刻宋仁宗佛牙頌七律一首考宋僧法雲翻譯名義釋舍利下亦引此讚其詞鄙陋語假比爲之偉
哉武肅勳伐山行旅惠不獨築塘木爰合旣未濟森然
垂玉箸尙紀卯申歲英雄肯臣賊圖霸聊自衛首題碣
山朱如裂昭諫背慈雲嶺崖上篆刻云深單闕之歲興建龍山至清瀾之年月甲申歲六月十五日吳越國王記共四十九字田氏西湖志比載首十八字考單闕爲梁朱溫開平元年泝瀾爲乾化二年甲申則後唐莊宗同光二年蓋吳越武肅王所題所得俱不訾何啻三品幣重來攜匹紙氈椎拓次

第當作天龍游窮捺發幽滯九日以爲期勿悵巖扉閉
舟泊西林橋同吳尺鳧作

裏湖涼思不勝飄路轉青林接野橋游女能來秋照影
篙師解事小停橈風過殘葦疎還響雲襯晴峯淡欲消
卻爲流連忘日暮醉中翻覺水天遙

九月一日同丁敬身張希亮金以寧符聖幾游
前日觀天龍寺石壁上有太平興國六年心經門外八

卦田卽宋郊壇故跡次登天真寺靈化洞側刻

蕭然於字云梁龍德元年歲次辛巳十一月壬午朔一
巖容單日天下都元帥吳越國王鏐建置錢王拜郊臺
也此寺登眺最爲江山勝處

樊榭山房集卷五

七

山勢龍飛設佛場後游佳處未渠央寫經某甲存荒壁
迎容單丁到上方滿眼雲濤看起滅接天草樹管興亡
蕭然欲下催詩雨相送沿村稻半黃

秋寒

前日驕陽尙滿林天機陡轉冷光侵蕭森已識閑中味
淒緊初關別後心時送樂城幼魯北行四壁圖書溫破帽千家簾幕
促疎砧多情那得如韓偓灑背微霜擁鼻吟

上冢

十月鄉山土冢天晴光盡趁過湖船鶉啼鷓返空千載
宿草寒松又一年胡空攜尊成黯澹龐公孳伴故流連
愁來寶石峯頭望城裏人家白夕烟

十一月十二夜月同黃松石張情田散花灘閑
步用句曲外史馬胙新居韻

林影灘光靜自如向寒人意轉清疎真疑落木臨臯路
更憶浮暉雲上居烟外有山渾入夢月中著句未曾書
歸來短髮飄蕭甚敲火石橋聞夜漁

淮南子云月之光可以
遠望而不可以細書

同尺鳧敬身過湖登慈雲嶺觀廢石龍淨勝院
崖上北宋僧沖羽書唐右補闕梁肅心印銘下

方家峪尋劉娘子寺已廢惟鳳凰泉猶存飯於
觀音洞僧舍而歸得詩三首

招手湖南畔平蕪淨可親霧窺山半面水照鶴雙身野
艇容茶具長橋響釣輪慈雲三度謁也勝埭門人

樊榭山房集卷五

丈

畏險須扶掖上頭雲倒飛寒林正搖落幽趣得因依龍
蛻莓崖積狐蹤莽徑微劊銘辨溫媪彈指昔游非
禪棲誰再構妃子有前蹤竹影思遺帔泉根沒廢鐘飯
餘香印斷樵罷漆燈逢賸得啼烏在年年怨此峯

趙谷林以汎湖看梅詩見示意林復以詩送梅
枝次韻奉答共四首

今年司冬夫妍暖梅樹已發臘前枝一梢正透竹陰出
只欠王家雪下時

甕頭香熟莫逡巡處處蜂須色鬪新自笑先生東郭宅
冷雲滿硯未知春

共載詩篷泝遠汀小紅鈿破雨冥冥催人無奈易頭白

伴鶴有情還眼青

君家山閣水亭邊
衝曉數花明
遠天肯伴新詩遣
春至

一時香韻兩無前

題松風流水圖

落落松陰寥寥天宇希
微之聲風與水
伍惟石嶢嶢伊人歸
處易妙無言琴高不鼓

樊榭山房集卷五

五

人語淑長坡
燕青寒高不遠

香蒸斜斜寒寒天
有命歸之
巖風興水山
醉任刺刺
以久王賦
松風流水圖

一甜香贈兩
燕青寒高不遠

春寒山閣水亭
數齋對遠
升肥巖天
肯伴新詩遣
春至

樊榭山房集卷五

樊榭山房集卷第六

錢唐 厲 鶚 太鴻

詩已

早春游湖上聖因寺四首以下記

千峯皴粉雪初殘趁得閑身自在看日色未高船放早

游人應不畏春寒春水一半水東流去第防津水心

琉璃地滑碧無痕多少垂楊繞寺門纔試東風絲已動

舊栽新種盡承恩

禪寮一半瑣窗開土盡迴廊更上臺想得天工營構巧

湖光高下逐人來

絕頂亭虛眼倍明雪消雲並畫闌生誰能喚取張春水

樊榭山房集卷六

共賦蘇堤綠漲平元錢唐張叔夏春水詞為古今絕唱人以張春水自之見鄒牧伯牙琴

賦次高荆溪道中

如畫雲嵐西復西梁溪幾折入荆溪舟師失道隔烟問

山鳥畏人穿竹啼

石潭出已集馥白齋蘇詩門蘇始東風絲已

盡日添衣怯峭風春光一半水流東老催花事來心上

醉戀朋歡在客中小海無人知夏統草堂何地著盧鴻

時故自將移居從教天地遽廬似翦燭題詩不易同

荷廣陵送壽門游河東

共話風塵裏臨分剋後期人同歸雁去樹接暮雲垂汾

曲存勤儉江南重別離登樓台亦嬾爲子立移時

馬秋玉佩兮招飲出觀顧定之墨竹

上有張伯雨鄭元誦朱澤民題句

晉代愷之工畫人元代定之竹寫真仲文幼輿何足貌
不如此君下筆親雲根移得波濤窟晴翠翹翹鸞尾揭
新筍高於舊竹等雷取抽梢當五月南齋娛客乃爾清
酒半展軸聞秋聲世閒何者善用短奇絕題詩尙左生
題詩亭題秋玉佩兮銜商書屋十二首

小玲瓏山館

鑿翠架簷楹虛敞宜晏坐題作小玲瓏孰能爲之大
叢書樓

世士昧討源汎濫窮百氏君家建斯樓必自巢經始

樓中藏書

甚夥近更廣築
得義補所未備

樊榭山房集卷六

二

透風透月兩明軒

前後風直入東西月橫陳主旣如謝譙客合思許詢

覓句廊

步欄何透迤畫靜無剝啄好句忽圓時花陰轉斜桷

紅藥塔

種從亳州移不是劉郎譜春風一尺紅堦前暈交午

寧豁似天造華陽南便門尋仙恐迷路不敢躡雲根

不暇此岸看山樓

青山復何在烟雨晦平陸符得晚秋晴徙倚闌干曲

七峯草亭

青峭落窗中，翛翛竹風舉。悠然欲揖之，恍見林下侶。

梅寮

繞舍玉梢發，嫩寒先起探。絕勝塵土客，落月夢江南。

清響閣

橫琴小閣間，希聲寄絃。指蕭寥不可名，松風亂流水。

澆藥井

人視託靈苗，仰流資灌溉。際曉轆轤聲，眾芳欣所在。

藤花菴

依格青條上，垂簷紫萼斜。天然妙香色，合是佛前花。

題七姬權厝志拓本

張羽文宋克書盧熊家蓋

潘將軍識將，沼吳出戰未。北摧羣珠雉，經聊酬貫魚寵。

樊榭山房集卷六

三

鬼妾肯奉他人娛，齊雲綺羅付一炬。無此高文照千古。

春深誰上七姬墳，月明曾過三興土。

張士誠附基取三軸上築成謂長興嘉興宜興也

去年十月舍弟子山舉一男未幾而殞，追感賦。

此詩

入手嬖媿卽夜光，每因追憶倍心傷。含飴未得娛大母。

吟苦何緣學二郎，落落哀門慳雀賀。迢迢貧境想熊祥。

再來若似前人事，好拜弧南乞命長。

哭吳丈志上

北郭幽人住扁舟，數往來十年交。恨晚終古別堪哀，大

藥成難待名山業。未灰斜廊曝晝處，尙想立蒼苔。

吳文書齋有曝晝廊

無盡意齋坐雨，同陳江臯作。

分得荒齋曲彙牀不嫌風雨共相羊經旬泥酒渾成病
五月披裘未是狂花落冬青泥滑滑魚跳時白水茫茫
新謠莫漫編甘澤有約初晴看插秧

明鄭貴妃書泥金普門品經同丁敬身作四首

卷首題云大明萬曆甲辰年十一月十五日皇貴妃鄭謹發誠心沐手親書觀世音菩薩普門品經二卷奉祝今上聖主祈願萬壽洪福永享

康泰安
俗古稀

梵夾窰青出漢京翊坤題處最分明依稀買得研神記

紙上香多蠹不成明大內寫金字體多用
窰青紙翊坤鄭妃宮名

巧笑由來雨露偏佛恩遺在聖人前開函稽首無他願

一筆泥金壽一年

栢館餘閑罷女紅祝釐不與眾嬪同也勝密誓高元殿

樊榭山房集卷六

四

小字親封玉合中

城南詩老觀空久特賦新詞繼夢華更待秋山黃葉下

與君禮足九蓮花靈隱寺有慈聖李太后賜九蓮觀音一龕

遊土香五月二十五日良山門外晚眺

吳天大時涼似永袂衣出城三四里城角遠山青半環

分得濃嵐落漁市荒陂繚紉行何求雲影水中疑不收

蓬科誰與作都祭陰森大樹堪蔽牛幾家叢薄徑微窄

稚髦闖籬窺過客櫻欄散葉覆深井薜荔牽絲護敲壁

喜聞田水夜初滿不道瓠花朝更坼半虹忽墮橫一橋

恰當高處風刁騷四天萬綠染未銷峯尖黃鶴如可招
畫本髣髴臨山樵深林絕磻藏過雨山中茅屋愁漂搖

道旁日暮紛惆悵白荷欲語嬌相向斜倚珠盤踏寒浪
菰蒲低處見船行弭櫂無人能一訪我時小極因廢書
消憂起病兩有餘但思臨平考古蹟安得湯鎮謀村居
朝廷蠲租許詔寬大官府勸農意樂胥攜孥亦可號
蠶室息影頗愛開蝸廬試歌元豐歲連稔姓氏何必聞
鄉間再侍奉嚴關白餉琴魚因言嚴關聞道琴溪上春風出小鱗如何附仙籍翻使困漁人味
淡供清茗形枯借綠蘋因君授水物欲謁敬亭神

秋夜泊滸墅

歸心淹旅泊何處近吳宮夜色一村雨秋聲兩岸蟲道

樊榭山房集卷六

五

存衣食內人老別離中坐待嚴關啟松陵藉順風

母壽日作

酉年秋季朔阿母甲子周黃花正被徑紅穗初盈疇采
英更釀麴粲粲兼沈浮良朋惠文綺學子羅嘉羞貧家
不解音亦名絲竹謳貴以宣悅豫暖響四座流子婦前
致詞再拜奉縹甌一願母常健眠食安優游二願歲常
豐春酒頗易求慈顏笑爲醉永如今秋

南湖秋望

幾點城隅接翅鴉意行烏帽任敲斜橫塘秋水明菰葉
老屋殘陽上蘚花渺矣高鴻猶避弋落然寒事又辭家
南湖多少閑風物魚蟹誰分一片沙

同玉裁大宗集臯園

緣林映堞境清佳，况復游從願不乖。人約寒雲來別浦，
葉和流水出荒街。擷蔬風味追前輩，翦樹軒亭換舊牌。
好敵玉湖諸勝蹟，他時賸隔憶青鞵。

玉裁來廣陵同宿閔廉風齋中卽事

比年還往數今年，乍到江城夜籥懸。地主能詩欣會宿，
旅人貪話廢高眠。性疎我不王睢悔，才大君須杜老憐。
除卻風沙鞍馬事，商量換得五湖船。

同作

歸安姚世鈺玉裁

客中對客互畱連，竹屋青燈坐惘然。潦倒何堪中散
病，飛揚空忝少陵篇。武林舊事銜杯問，漠上題襟對

樊榭山房集卷六

六

榻眠不是良知心，鄭重幾曾輕喚渡江船。

客中正月十一日同尺鳧功千汎舟湖上期敬身不

至二首以下庚戌

試燈天氣思無端，急喚扁舟破翠瀾。禁架梅花差少雨，
吹噓柳色不多寒。空亭苔石週遭坐，新寺烟嵐上下看。
欲借天癡哥鐵笛一聲飛入水雲寬。
黃子入達吾子行共吹鐵笛於孤山笛聲不輟交臂而去

見楊瑞山居新語子入自號大癡哥

來蘇蘇同齋閔廉風齋中卽事

處處梅開雪幾叢，蘇堤人立翠屏中。水邊歌鼓元宵近，
詩裏光陰白髮公。將暖湖烟多晚碧，未花桃樹有春紅。
憑誰爲報丁居士，落日沙頭帳望同。

過蘇耕餘教授齋賦贈

東南大藩地郡學首古杭層城闕禮殿喬木森宮牆石
經有遺刻奎畫宋上皇七十二子像搦自龍眠莊恍若
過魯墟聞金石絲簧偏安蹟未泯文治今光昌侏侏九
邑秀橫經願知方學教匪得人徒令糜官倉姚江蘇夫
子來繼徐大章明洪武中天台餘一
變爲松學教授有名射策驚漢廷不得貢玉堂
翻然愛冷職苜蓿春風香健兒不敢窺廟墻非收場元
戎爲中誠卓哉君子強齋規胡安定內行陳履常經師
與人師一身兼所當奉檄攝山長臯比擁松岡說士甘
於肉拔萃皆才良易書校秋賦暗中掇乘黃十年冀北
空俊髦未易量昨列五三人堪充童子郎佗時活國手
合在青衿行居然老博士豐頤垂鬢霜榻來肯訪我衝

樊榭山房集卷六

七

凍輿臺僵勸我隨使車登華覽咸陽況聞主人賢冰操
出繡腸方伯方
公足_行以發幽憂懷古多慨慷鄙性慕棲逸未
獲辨補竟
切鴻裝開年鬢舍靜報謁因摳裳清言忍遽別
竹影移繩牀毛蔬趣畱飲牽迫辭舉觴厚意使心醉何
必同渴羌斯文準崔蔡詎可窮公藏想見尋道味陳編
誦琅琅三閒屋打頭俯仰寬八荒從公樂乎此莫嘆餅
無糧

天然圖畫閣

二月十日同丁敬身金質甫陳江臯登寶石山
塔下樓開躡級登東風聊憶昔游曾春深城郭渾如畫
定裏鶯花不屬僧人影漸移湖上柳烟光又綠壁間藤

留題爲紀閑蹤跡只有看山詫最能

城南桃花同人分得流字

春江明白繞花流十里晴嵐好放眸紅艷正迷前代苑
亂霞微映遠人舟斜川朋好咸來集杜曲風情不自由
願倩游絲千百尺繫將西日駐城頭

清明日城東顧氏莊看花分得耕字

惜春連日出重城揀取花多任意行姪姪臨波搖客釣
迷離並冢照農耕活東聚處芹爭長謝豹啼時筍盡生
將到薄游還小住他鄉悶過幾清明

四月十八日同人汎舟紅橋登平山堂送全紹

衣入京

樊榭山房集卷六

八

邗溝夏水漲城陰積深翠酒舫壓草痕經年還一至故人
四明客含香識名字

遠于京識含香未越三國志虞仲翔傳注

太學待何蕃少年

推賈誼合并有同岑繫維情莫比來聽郭公啼黿爲鮒
魚醉人生赴功名時乎偶然遂壯觀畱長吟自足千古
意西上陟蜀岡新亭亦佳致歐公遺構在清氣激松吹
歷茅司徒廟眺謝司空寺涼雲遞疎鐘平楚碧無次離
愁生其閒紛來不可避惟願追前修遠轡從此始

五月十三日同丁敬身游智果寺

招得吟朋上釣槎北山來訪野僧家竹陰入寺綠無暑
荷葉繞門香勝花泉酌參寥寒甃缺字尋坡老壞梁斜
幽禽不會躊躇意飛向湖天點落霞

同作

錢唐丁

敬敬身

偶停艇子叩虛寮初見森森竹放梢烏語狎人渾不
去湖光似雪更難銷名泉舊自高僧著壞碣曾經野
火燒五月藕花思往句吟魂雖在倩誰招

功千送高麗墨用山谷和文潛謝穆父贈松扇
韻

樂浪松肪薄於紙一挺崑崙指形似若教持伴館中人
風鬢應寫嫵媛子金華松在使高麗為館使賦石州慢詞有雲海蓬萊風霧鬢之句見劉祁歸潛志知君憐
我几格寒遣送海雲生硯山野人不草外國傳但吟小
句孤蘆間

敬身用山谷韻乞高麗墨於功千而墨僅二枚

樊樹山房集卷六

九

一贈尺梟一以贈僕竟無以應也次韻答之僕
亦同作

黑玉乾交光印紙柳枝瘦龍略相似面作龍紋背有列見大人四字貢餘人
手競分藏主不吝畱等窮子城南居士氣高寒乞墨不
乞錢買山半枚莫得李公擇置君且在廉讓間李公擇曾惠蘇子瞻墨半

枚其印文曰張力剛云得之高麗使者出陸友仁墨史

和功千遺敬身流求扇以償高麗墨之請三用

前韻

排日詩筒遞連紙扇痕一握苞直似也知摺疊出鯤人
卻勝纖濃埽螺子往作詩臘六月寒船回落潑來閩山
動搖更想梅花手可資談柄於林閒流求女子多以羅剎手背成梅花

原作

仁和趙

昱功于

研光點漆可鏡紙烏玉玦形毋乃似松烟恨不貯三

丸餉供蠻牋寫丁子

科斗名丁子見碑雅敬身善作篆書

幾日舶趁風吹寒

摺扇宛轉來中山珠宮冷氣壓三伏合置先生懷裏

閒

夏夜宿清隱菴五更汎舟湖中

禪榻安心午夜過出門葭葦響微波舟人喚起山月墮

權入藕花風露多

秋夕

節近孟蘭暑漸平雨過籬角豆花明絡絲蟲響無燈坐

劣有幽懷待月生

樊榭山房集卷六

十

有懷玉裁授衣

我夢吳興好看山兼著書遠游成計左歸去與人疎水

閣三閒隱家風一曲漁焉知陳正字不共采秋蕖

次韻同作

江都閔

華廉風

絕席陳無已閑居姚秘書故人俱寂寞芳訊漸生疎

蒼弁秋堪畫玉湖清可漁遙知兩詞客搖艇入芙蓉

聖因寺觀貫休畫十六羅漢

唐人畫十六羅漢筆力獨數廬楞伽休公後起出其上

眞容應夢有似忽現優曇花小篆親題廣明歲正在江

陵傳絕藝禪人請歸懷玉山海眾林神盛訶衛休公不

樂依錢王此畫何年流落長明古寺青豆房殿陰香斷

印龕冷燈無光我昔借觀匿不出卻恨俗僧皆啞羊宰
官移置湖上龍宮之寶地應眞一一來高堂題詩記得
歐陽炯此畫依然神貌並烟煤雖暗墨蹟鹿生絹開張
氣疎挺眼淨野鷺肩削枯龜頂峯嶽嶽眉雪綬綬彈舌
呪罷蓮葉麤齒嚼徧楊枝四十二章經在手一百八顆
珠倒垂灌餅高擎裹曷鼻坐具入定指瘦頤聖賢自古
秉異相何況流沙印度相逢時高情逸格寫不盡更有
嗔如破賊三軍麾其閒憇寂皆無語巨石高松絡雲霧
中華只識諾矩羅龍湫雁蕩經行多嗚呼炯也詩休公
畫同在人閒縱瑰怪我欲追扳力不能但作低頭東野
拜聖因寺裏鳴粥魚五雲長護先皇書永將玉軸鎮

樊樹山房集卷六

七

孤嶼請看水墨已是七百春秋餘
登虎阜小吳軒贈雪湖上人
劍失空池虎氣沈全吳輸與客登臨岳收鬼雨參差鬢
樹族人烟一半陰齊女望餘橫古堞越兵來處見飛禽
支公笑指黃雲壠畱看斜陽畫滲金
小吳軒曉望用清遠道士韻
冷露響墜葉殘星在秋漢昨爲曾牀宿避喧遠如竄開
牖發晨暎艱奕寄奇翫滄溟恍一漚興欲游汗漫藍霏
吐近郭素霧起遙岸俯視平林梢高下若濤亂孤塔不
受侵猶翳七級半須臾山帶接變滅海市散下方歌鐘
地醉夢屢失旦豈知青岳端有客早揮翰逸想天雞語

幽共谷鳥歎何當踵嘉游清詞不能贊

王翦林司勳邀游惠山訪愚公谷四首

二泉亭下看詩牌轉入蕭森秀嶂街卻是舊游多鶻突

幾回孤負筍皮鞋

愚公谷左爲秀嶺街右爲名泉里

前人卜築愛幽奇疊石爲山勢若移冷翠空烟吹不散

似和敗葉護荒池

菟裘過眼卽滄桑蝸雜苔痕上壞墻誰見甌甓春月暖

聽歌人在蔚藍堂

鄭愚公每挾詩衣度曲於此

山圍屋角木陰攢灑灑春申澗響寒我輩向耽荒率味

不須金粉畫闌干

同秋玉佩兮西顛江臯自京口放船至焦山

樊榭山房集卷六

七

焦山萬古色蒼翠撐洪波比年困行役東望浮一羸探
奇藉良朋不恨時蹉跎江豚靜匿影高檣指巖阿竹樹
漸可分飛簷壓嵯峨轉取寺後道恐落千盤渦滿載京
口酒吾面未敢酖蓮須有淨界佛事先羯磨古殿陰不
散縣雲覆杪樞化生欲震動爲少人跡過門橫象山碧
空水相蕩摩眾謝迺獨往悄然懷東坡

三詔洞拜焦隱君像

呀然石房闢栢柏互森竦下有黃犢廬山因姓氏重炎
靈失其馭四海浩呼洵先生獨緘口絕世一何勇魏吳
公與卿彌望盡闌茸去之斯已而孤寄此寵窾入獸不
亂羣露寢甘自擁至今拂巖花眞氣使人拱何哉天書

帝襪祥共愆，通夢諺加封。高靈肯汗寵，祥符中真宗聞殊夢
我疑駕蜚鴻。瑤草拾遺馥，爲君迴俗駕。落葉寒到踵，隱君而愈高，則明應

觀音巖次石壁上宋人趙冰壺韻

聞思大士蹟，猶存坐斷千巖水。氣昏徑滑行防和，葉墜
江清汲愛帶雲吞。斑斑霜樹多棲鶻，裊裊風藤欲挂猿。
行盡丹梯三十六，直疑高處見天根。

雙峯閣

絕磴盤空出危峯，架屋低雲光在其下。帆影盡於西身，
世浮杯似年華過。鳥齊禪寮容自恣，筇杖約重攜。

別峯菴

平岡連筠杉石棧，下奔峭幽林。天光入悽神，歷眾妙結

樊樹山房集卷六

三

茅但孤僧啟戶，延客眺云。此東峯半微茫，見海嶠濤聲。
寒巖苔烟色斷，雁叫浩劫水。仙琴長往任公釣，揮手謝
時人與爾不同調。

夜宿松寥閣用薩天錫韻

深松耿禪燈，江黑疑有雨。平生託宿處，奇勝此堪數。微
聞金山鐘，漸辨瓜洲路。海色與西風，又將陳跡去。

瘞鶴銘

我生好讀浮丘經，焦山來訪瘞鶴銘。纍纍之家，令威歎
羽化，誰使傳千齡。迺知仙家重文字，不異人世諛幽局。
崩崖敬浪下無路，直待水縮霜霰零。墨痕濺面葉藉背，
仰臥劣可摹真形。張王近事僧指說，張昭奇險欲動魚

龍聽長沙陳公年發天秘抉取覆以屋建甍繕亭何必
歷三癸鑿石直疑煩五丁上皇樵書今得覲尤慮氈椎
日敲擊比量北海遇趙岐特護翠珉藏復壁敢辭米老
河豚譏贖本重鏤外加罍篝燈側足窺大幽彈渦覲剔
筆畫道真官若掌女青律莞杜失職當窮搜百番赫蹠
走書估三日卧看毋自苦摩挲後此五百年鋒稜就視
空茫然吁嗟神物非近翫不如天吳什襲猶能全

焦山古鼎

古之彝器象最奧佚籀已遠誰稽探橫舟持刀或立旆
簡質妙若繪事妣姬周尚文備眾體款識不慮供魚蟬
二千年物落山寺王詩大小傳東南西樵阮亭
兩先生茲游一見

樊榭山房集卷六

十四

發絕詫熊熊光溢燕子龕腹深入寸脣尺四叩之清越
微聲齧雲雷周而峙饗養生砂活翠浮朱藍無專世惠
釋文異不獨立位形相參遼父鄭邠誤考据尚功妘婦
迷研覃惟王酬庸錫册命鑾旂鑿勒兼戈錢忠忱對揚
濯隕越孝思用享調滑甘鈐山不識此二字廿年辛苦
成虛談天池釣竇假盜柄大雞亦應台星三明世宗自斃天池釣
泉見元庚辰野獲編
鑄氣爲兵事豪奪攸燻一例如狼貪上河圖子偶僞託
思質陷法人何堪吉金肯冒辱金辱得不昇送行趁燻
子孫永寶意爾雜廁尊勺娛宴酬豈知袁州詔簿錄
清玩件繫文嘉譜此鼎潛藏幸神助同時輩行歸瞿曇
空諸所有乃常有雲烟過眼休嘲哈壑舟恐遭大力負

請視覆轍應懷慙何如畱與客吟賞茶具更攜都統籃
甘露寺

誤緣峭壁辭痕滑喜見空樓江影斜畱得唐朝衛公塔
廊腰雨過鐵生花

同作

祁門馬曰琯秋玉

斷髮猶存劫火銷祇憑絕頂看金焦我來十月霜風
厲江葉飄零似六朝

海嶽菴

米老風流絕代無一菴零落近僧廚頻經甲子畱京口
仍見寅哥列坐隅卦影人聞求古像研山壁上勒新圖
奇顛那復拘常格佳句還堪壓萬夫

游金山

樊榭山房集卷六

五

渡頭晴色風帖然行盡寺廊如有緣江光四圍佛屋頂
洞雲幾片僧牀邊開尊畱客黑鹽鼓打漿載人紅板船
今夜蕪城定生夢夢在聽潮軒裏眠

十二月十七日雪後沙河寫望

野橋俯川光微曛隱疎木餘雪連半陰遙山自相屬透
迤人城隅寒色騎空曲離離被沙草歷歷明村屋應有
林棲子殘編時映竹烟水抱一灣皓然行徑獨明初馬仲
此名一灣烟水止卷賦公詩占得
沙河水一灣此身能與烟陽關窳閑魚不上槽鳴酒初熟毋憂世

士知清境非所逐

八日集施竹田蘋香齋

以下辛

蜜炬紅銷漏下頻非關豪飲擬陳遵烟中春月大可愛
窗外梅花如故人一種繁華武林事百年珍重草堂身
幽坊莫忘重過約周北張南只比隣

題華秋岳詩卷

我愛秋岳子蕭寥烟鶴姿自開方潛室高詠游仙詩雲
壁可一往風泉無四時滄洲畫成趣儻要故人知

同江臯飲吳山酒樓懷亡友石貞石

春風勸客倒雞缸樓子臨湖正背江翠激時時搖遠樹
晴嵐故故入西窗二豪醉後知何物此土塵中信少雙
石仲容今呼不起與君狂語倩誰降

古蕩舟中同大宗聖幾江臯探梅作

樊榭山房集卷六

十六

小船如瓜皮可坐兼可眠春山隨我行澹翠何繇聯竹
外一雞唱風氣太古前搖搖四詩人漾入梅花烟

石八郎祠

薄暮投空山春陰澹落日躡躡樵逕旁幽幽古祠出畫
壁緣鼫鼯虛廊蔭杉漆湍咽神絃停嵐蒸廟額失相傳
石敢當祈報據齒率但存天水志名字惜遺佚
竹枝迎村巫梅花作靈匹勿事呼林央山氓保終吉

晚至溪上巢

林巒生春寒心在諸天瞑列坐疎竹根微泉各爲聽花
光淡欲無松籟遞相應蘅烟山鳥還余亦下蘿徑
汎舟河渚取道田間尋梅花泉中春八十四

清流一支瀉漏影明朝
噉行行數石髮捨舟在溪門
各泉如逸士高寄梅花村
寓形本天趣當得靜者論
瑤席不盈尺衍漾青絲蘊
鱗沸素瀉發皎若飄英繁
徒供野人汲彌思桑苧言
四山秀脈聚萬古陰機翻
慰我斛茗瘳甘芳入餅盆
潛分趵突沫高尋玉井源
人題丹蘆菴贈克念上人
河渚富幽棲迴復何窈窕
渚中復有渚春淥滿四照
相期蘆之漪禪客對清峭
示我戒中詩別擬畫公調
因知彼上人滅景自年少
晏坐觀物情仁心憫漁釣
隔籬聞櫂舟帶雨見荷蓀
我來問佛事指點梅花笑

重過秋雪菴

僧言蘆花時
月此最佳

樊榭山房集卷六

七

魚國開雙林我遊不厭屢
柳界護生堤盡除網罟懼
登樓展四矚惟有舟是路
羣山遠在南如讓水回互
同行興彌深兼葭待秋素
欲驗溪僧言孤槩盪寒兔

春陰望西溪人家雲山梅竹互爲掩映

溪聲迤西流寺橋扼其隘
分餘落麥田綺秀渺方巽
行人越阡陌春望怡我輩
皜皜遠梅林映山青晻曖
下有魚樵塵竹樹互襟帶
炊烟化山雲雲起半明晦
花源色不同輞口境如在
悵矣懷閑居悠然悟天繪
入花塢遇雨度藕香橋憩法楞菴
瓦亭標路口兩山夾嶽窳
重過二十年望岫盟我心
密竹遠無極微徑劣可尋
清霽晝常暗況乃覆春霖
雨來

法華頂雲埋精進林磬度橋灑空磬濃青集衣襟忽逢
惜筍僧導入精舍深杉檜鬱當戶小閣相窺臨幽涓落
斷壁交作微妙音并無去家愁去家日遠兩聲之
愁也是文永子欲擁冰牀衾
始知淨名室可以聽淅淅

雨宿永興寺

山樓一燈寒蕭寥送清響暗生平地雲溼墮幽蹊椽遂
成三宿桑題壁記疇曩安居遇多雨佛說發精想橫窗
雙綠萼交影入蒼茫聾跌對妙香裏夢寐雜詠賞隔屋
喧春禽明將進溪榜

春社呈志局諸君

蹤跡今年定絮萍叢書堆裏晝常局分來竹葉社翁酒

樊榭山房集卷六

六

開過梅花水部廳在高樞署吳越朋簪連俊彥台明幽事寄
圖經紙田自笑多荒落欲向山川更乞靈

次韻

錢唐汪 沈西顯

離合人生似水萍相於官閣類巖扃風催花信初歸
樹草接苔痕欲上廳爲乞治藁傳社酒未妨破睡補
山經先生自具編摩手更與家江發秀靈

蠶豆和朱稼翁

豆子酥含綠玉凝江鄉風物最先稱繅絲花外黠初重
戴勝聲中莢已登竹塢流連燒筍客石泉珍重試茶僧
清甘并欲題三絕轅金朝來思不勝

雨中汎舟三潭同沈確士作

一雨湖山破清曉雲外諸峯殊杳杳問誰著眼到空濛
只有斜風吹白鳥斜風忽斷穀文鋪壞塔平林乍有無
濃拖高柳三升墨亂打新荷萬斛珠畫船低似荷花屋
瑟瑟梢梢開蘆竹可惜今宵五月寒不同我友三潭宿

同作

長洲沈德潛確士

雲移高峯峯不定湖波過雨光逾淨佳人髣髴洗鉛
華隔紗微窺晚妝靚一枝柔櫓蒼茫外綠蓑青笠元
真態不遇南屏孫太初枯禪瘦鶴誰同載輕船準擬
泊三潭鷗鷺爲羣我最堪聽罷晚鐘烟際宿荷花深
處夢江南

送沈確士歸蘄州

樊榭山房集卷六

五

滿天梅雨合思吳早挂烟中十幅蒲白髮定能爭席否
朱絃曾遇賞音無人同樂園文偏潔宅近靈巖趣不孤
只恐鷗情成閒阻五湖那復憶西湖

湖上汎舟至壑巷

舊識林扉僻蟬多不厭聽訪僧無北磬竟路是南屏石
帶殘雲潤潭臨雜樹青迴舟看坐處巖壑晚冥冥

意林所藏宋徽宗鸚鵡圖同確士作

繁華如夢宣和事仍在神霄自游戲誰傳真蹟落人間
鸚之鵠之妙無比松枝浙浙墨鍼攢一踏枝鳴二墮地
足鉤味啄定爭鬪不然那得風毛墜中間似欲助老拳
欲飛未飛張兩翅晶瑩點漆活眼睛

徽宗畫禽多以
漆點睛高出紙上

卻含萬

里龍沙淚我聞物性不踰濟竟遣鑾輿隨突騎祇應回首媿此圖難諭兩宮通問使當時迎駕教瑞禽扇篋翔集香風深五月五日工翦舌學成言語知人心貫京便佞等參養不止烏棲借上林天機寫肖能無誤押字淋漓若垂露洞庭詩客詩獨步邀我聯吟重豪素休比乾侯魯國謠仍爲天水王孫賦

題三弟子山遺詩後

并序

予少遭孤露弟僅六齡零丁危苦相依至今凡二十一年去年幸弟舉一子今年十月十日弟忽遘疾天亡痛可言邪檢故篋中有手書雜藥方十數紙後有庚戌除夕一絕句弟素不能詩其辭似工者豈有夙慧邪第二

樊榭山房集卷六

三

句竟成劉希夷花落之讖抑有物焉以憑之邪吁可痛也因忍淚成二十字題後付孤姪備收藏人逐殘燈滅行畱斷雁孤年年年盡夜空有淚模糊庚戌除夕

已響千家竹將殘一夜燈不知窗外雪漠漠硯池冰

樊榭山房集卷第七

錢唐 厲 鶚 太鴻

詩庚

酒蟹以下五

草泥纔出海邊田不共茶鏹煮碧泉漁舍西風成昨夢
醉鄉清味破中堅香畱阜茨看燈夜餅卧黃花小雪天
可惜老饕情思淺只將一語為君傳

佩兮南齋觀倪元鎮贈邾伯盛靜寄軒詩真蹟

次韻三首

清詩隸畫遠人氣展向晴窗半穗雲卻憶當時邾處士
能將寸鐵壽斯文

樊榭山房集卷七

一

夜雨菰蒲何處居然范緩配倪迂憑將一語添書品

絕似寒花瘦鶴無

心跡渾如過臘僧小軒幽對竹翦鬢更分白石茶為供

甘受人間俗眼憎

沈石田合子會詞真蹟次韻

自署云僧翠生沈周

南渡荒王嗟鼎沸一夕青燐生大內舊院樓臺化菜畦

渡頭無復桃根妹承平樂事百味盛平聲春宵角勝張長

檠言情不用比紅句紀事能工倚翠生鐵面譏訶亦時

有我譬解醒當以酒可憐瘦硬相城書卻寫柔詞傳土

友平章風月秦淮風秦淮俊有私印曰同風月平章事見野獲編小軸歸君篋衍中

冰漸生硯霜侵戶道眼澄觀本無住

朱碧山銀槎歌爲秋玉賦

詩人往者聚長安好事會聞孫退谷銀槎酌客客作歌
想像無由能寓目朱華玉名碧山宇至正年居魏塘里
一生良冶此僅傳流落江南非偶爾虛心斷節桑落貯
分得秋河好風露開襟有客踞上頭或云鑿空博望侯
手持支機石一片張侯張侯吾所羨即時酒與身後名
何如黃姑渚畔長游衍槎腹鏤詩句瀟灑問津可惜無
知者摹形已奪晉丹青操觚堪補元風雅主人索我重
作歌愛之過於金叵羅前宵偷兒舐其篋免隨羽化神
搗訶翠壺插菊展重陽半杯竟欲追渴羌醉倒空齋月
爲枕夢向天孫乞餘錦

樊榭山房集卷七

二

題陳授衣閉門覓句圖

君如後山窮取婦離鄉土漫歌妾薄命已見男當戶吟
榻秋風高冥梭避童豎詩成在何時飢腸鳴卓午

論詞絕句十二首

美人香草本離騷俎豆青蓮尙未遙頗愛花間腸斷句

夜船吹笛雨瀟瀟

張野柳擘詞名枉並驅格高韻勝屬西吳可人風絮墮

無影低唱淺斟能道無

鬼語分明愛賞多小山小令擅清歌世閒不少分襟處

月細風尖喚奈何

賀梅子昔吳中住一曲橫塘自往還難會寂音尊者意

也將綺障學東山

洪覺範有和賀方回青玉案詞極淺陋

舊時月色最清妍香影都從授簡傳贈與小紅應不惜
賞音只有石湖仙

頭白遺民涕不禁

補題風物在山陰殘蟬身世香尊興

一片冬青冢畔心

樂府補題一卷唐義士玉潛與焉

玉田秀筆遡清空淨洗花香意匠中羨殺時人喚春水

源流故自寄閑翁

鄒牧心云張叔夏詞本其父寄閑翁翁名樞字斗南有作在周草窗絕妙好詞中

中州樂府鑒裁別畧仿蘇黃硬語爲若向詞家論風雅

錦袍翻是讓吳兒

送春苦調劉須溪吟到壺秋

羅志仁

句絕奇不讀鳳林書院

體豈知詞派有江西

元鳳林書院詞三卷多江西人

樊榭山房集卷七

三

寂寞湖山爾許時近來傳唱六家詞偶然燕語人無語

心折小長蘆釣師

朱竹垞檢討靜志居琴趣中語

閑情何礙寫雲藍淡處翻濃我未諳獨有藕漁工小令

不教賀老占江南

錫山嚴中允菴友秋水詞一卷

去上雙聲子細論荆溪萬樹得專門欲呼南渡諸公起

韻本重雕茱萸軒

近時真興萬紅友詞律嚴去上二聲之辨本宋沈伯時樂府指迷予曾見紹興二年刊茱萸軒詞林要韻一册

分東邦邦陽等十九韻亦有上去入三聲作平聲者

題冒辟疆姬人金圓玉水墨秋葵圖

辟疆自題云余不能飲口看畫

此花亦飲
醒酒意也

金瓊橫敲醉不勝墨痕秋暈一匳冰西園老盡佳公子
看畫花枝學信陵

丁未暮春佩兮來游湖上曾作五字詩奉贈壬子秋僕至邗畱寓小玲瓏山館歲晚將歸復次前韻志別兼呈令兄秋玉

書至約已頻別來思易積夢想蜀岡青中有春明宅一舸秋雨餘又逐閑鷗跡相見尋古歡前塵空役役君家山館幽短榻對虛白名談開襟寬積卷堆坐窄琴清共低徊酒醞小浮拍殘年逼歸心彌復惜離坼今夕首扁舟始覺身爲客眷眷隔烟江戍樓聞遠笛

過青浦縣

時將訪功干於松江

草草衝寒路船窗西日餘潮痕上城古蟹穴入沙虛飄蕩青龍艦艱難黃耳書故人今夕見杯酒惜居諸

樊榭山房集卷七

四

朱涇

船子高風去不還霜天如洗白鷗閑明年若買蓑兼笠合並華亭落照灣

早春登孤山四照亭

以下癸丑

澀磴盤迴竹尾斜東風先入梵王家吟筇更上梅多處四照山光四照花

南湖雨中

夾竹天桃蘸小紅水高魚滬沒蘆叢南湖春物無人管都付斜風細雨中

虎丘清明同意林誠夫江臯作五首

年年水上送離鴻每到清明憶夢中何處天涯無草色

新烟徧繞舊吳宮

春向通波盡可憐，賣花籬外鬪茶天。白堤無賴新楊柳，

分上吳娘六柱船。

吳中清明多以柳枝插船尾。六柱船見范成大吳郡志。

踏青羅襪逐時新，節物何關百感身。小住客程剛半日，

虎丘山下看迎神。

千枝穠豔萬枝斜，破楚門西倚暮霞。不是逢春被花惱，

卻因老大惜飛花。

柳傍蘇臺舞不休，山青無際水空流。歌船載取輕陰去，

便有瀟瀟暮雨愁。

同作

仁和趙一清賦夫

春來到處觸閑情，小隊橫塘一字行。明日吳宮芳草

樊榭山房集卷七

五

路青青踏徧又重生

春晚同尺鳧西顙登丁家山新亭

百囀鶯闌百舌催，游人猶向此山來。雙亭半倚林蘿出，

一壑中分紫翠開。笑挽風光歸健筆，醉邀湖影入深杯。

平生野服宜春服，惹得松花竹粉回。

立夏後二日同敬身授衣過重陽巷薛尊師房

有客佩含景丹房，迴在東開窗。俯塵世坐樹，御天風白

羽花間。驥青衣泉上童，日長能省事。吹笛此山中。

南湖初夏四首

不踏看花陌上塵，草堂近卜約齋鄰。垂楊水寺殘碑在，

瘦策寬鞵浴佛人。

張功甫自號約齋

委巷人歸路屈盤
苧衣初試尙嫌單
斜陽半落湖光裏
一陣蘋風助麥寒

壞垣桃李自無蹊
記得輕船對鬻泥
看到濃陰春又夏
人家斜倚采桑梯

疎放都無客過存
五經籬外曲通村
紅醬十文開還落
卧讀農書不出門

官米

近日官倉米如京積
最高廬陵價先踊
河內發猶勞鼠盜難
周防鳩形詎徧叨
盈虛如可酌估客
集千艘

汪積山招汎湖上觀荷分得于字

妙友閒何闊
相期逃暑途
滌瓷作茶會
刺船映菰蒲
各

樊榭山房集卷七

六

各脫藤帽一笑歡
莫逾羣峯正清曉
雲影移浮圖趁此
萬斛涼搖入碧玉
壺舟人頗解事爲
擇最勝區虛亭架
水中水花下開敷
倚闌當花上圓葉
交撐扶卻羨雙蜻
蜓翹飛抱黃須縱
目浦樹密傾耳村
蟬孤諸公惜永日
迴橈穿裏湖裏湖
花更多十里無處
無中央通延緣魚
翠時相呼忽驚山
倒浸花底烟平鋪
安得山雨來眾絲
爭跳珠遠香送清
苦悟賞知非殊僧
榻借偃仰高唱紛
唱于毋爲待西風
空令芳意徂

夏夜同欒城功千步月南湖

披衣聞剝啄蕭散步
城隈煩思臨湖盡
幽襟爲月開魚聲
不知處荷氣偶然
來莫怪無看待清
光送客回

七夕苦熱效西崑體

星期經歲思悠悠，此夕星期暑未收。
鸞影周旋秦女扇，蛛絲辛苦漢家樓。
臺臺露淺移東足，銀浦風微到上頭。
共道天人能會合，癡兒揮汗拜牽牛。

早秋同王夔徵汪西顛符聖幾坐報國院池上

秋意落僧院，行徑紆且微。
愛此湛湛水，脩林隱炎暉。
廢壑寒瓜蔓，古堞高天圍。
清陰漸半池，儵魚如有歸。
盈耳發竿籟，長風本無機。
一適吾願詎，似身世違永日敷。
坐具無人挂浴衣，冷絕白鳥營閑免。
蒼蠅譏祇應二三子，勿歎知音希。

贈苴白移家真州三首

樊榭山房集卷七

七

已厭譁躑學靜，便帛槌茶磨上江船。
想君小閣移帆影，新占長蘆寺外天。

日出烟銷窈窕中，漁娃尚卧荻花風。
淮南近日無三士，賸把江山乞寓公。

淮熙問淮有三士，舒州張用晦和州張晉卿真州章冠之也，見張益翁詩集。

白鳥飛邊天鏡開，秦淮欲渡小裴回。
不須折柬更招我，春水方生乘興來。

中秋夜廣陵看山樓對月

連宵積雨卷滂沱，洗出秋容與素娥。
淮海東來寒一點，闌干下視眇層波。
細尋桂子鄉關遠，苦戀簫聲夜思多。
賴有主人能酌客，肯教邀影對紅螺。

晚秋夜雨有懷故園

落葉卷風雨客愁仍去年背燈三峽水敲枕九江船
想他時話須妨此夕眠南湖烟翠色應溼草堂前

哭吳尺鳧

并序

八月三日與尺鳧飲湖上來廣陵兩月遽聞尺鳧凶問
僕性寡交游里中二三故人相周旋學積行修意氣高
爽如尺鳧者何可多得竟連蹇不遇以死晚年頗耽琢
小詞以僕爲能賞音今無春風之筆矣十月晦夜夢尺
鳧手一牋相示如生平覺而爲詩哭之

文陣推排歲屢遷蕭閑臺遠便登仙秋湖小醉無期別
老筆新詞後世傳公等莫追王武子夢來猶見石延年
平生一掬知交淚斗酒相和滴到泉

樊榭山房集卷七

八

題姚玉裁夜雨圖爲悼令弟炳衡作也

剛風吹過玉成塵我亦披圖恨轉新今夜西堂打窗雨
雨聲難寄夜臺人

予弟子山
歿亦二年

哭沈欒城

客從蒲坂鬢先彫幾日神游向沈寥廿載交情蘭韻在
一生文采玉塵銷眞成方相煩君到定復巫陽不下招
誰遣斯人竟黃土山風悽唳葬時簫

今年夏同君及功于意林早
出錢唐門道逢喪車感隨其

後君獨徘徊不前若畏懼者孰
意其爲先兆也故有第五句

法雲寺銀杏詩

并序

寺在揚州市闐間極罕隘訪謝公手植雙檜已不存堦
前有銀杏一本其大蔽牛腹穿裂呀然窺天秃枝攫擎

榮悴相半殆唐宋來近千年物也此寺唐末楊行密曾屯兵宋又爲呂惠卿宅行密羣盜之雄固不足道惠卿以熙寧法禍天下其人中與謝公爲役亦樹之辱也不見龍鱗近佛香猶存鴨腳覆僧廊十圍空洞潛魑魅雙幹生枯飽雪霜影小吳王曾縶馬涼多吉甫定移牀孤根已是千年後悵無入比召棠

歲暮自題南湖所居四首

巢居何地可高竊近水聊同離圻園寒淨綠蕪侵巷尾明涵疎樹照城根雲帆引我遊歸興雪履聞誰獨往言魚計茶經無外事太平時節在衡門

三閒老屋打頭低安隱深冬類螿棲短布自遮周伯況

松樹山房集卷七

九

大船不識庾安西雨多夾雪添湖水凍後烘晴滑徑泥俯仰懷人千古意密梅花發竊黃啼

又向張園挹早春豪華舊事久飛塵石殘甲乙黏乾蘚檻易庚辛積冷蘋佛粥近分林下寺竈餽新賣水邊人賞心是物關時令只以康強祝老親

聊悅吾生未有涯須煩健步遠移花平臨列岫人烟小細讀殘碑日影斜卧架少書思闕市行勝無夢到乘車

詩壇不似麒麟閣敢並南湖上

將家揚誠齋詩新拜南湖爲上將講張功父也

扁舟望臯亭淺絳色漸分回首稽留山餘雪黏空雲迺

知向背殊諸峯若離羣松陰結春靄冷趣彌氛氲同游

得三子勇若張吾軍遙拜杜子恭棲隱尊昔聞不測古
人意豈異今所云清言各未已村鐘殷微曛

石鼓亭

石鼓本無聲桐魚擊有異名亭自何年墜響闕山翠拊
牀惜典午鼓妖亦此類茂先如可呼博物有遺議吳年
出石璽奇事與之二維舟陟隕岸將老纔一至

宿佛日淨慧寺

羣山春未動清刻出松篠黃鶴翩欲下引我步深窅僧
廬闢廣場淳朴境無擾衣傳四明來蔬足千指了平生
參諸方僻近苦未曉今諳困學公篆路盡縈繞鮮于伯機
游記云村
路詰曲如
行香篆中夜深龕燈短雪滴林月小哦詩祛眼食列坐至

樊榭山房集卷七

十

啼鳥

曉起徹上人導行黃鶴峰下觀龍藏泉遂尋龍
洞至仙姑洞

清暘升峯罇粥鼓已絕統石盆分類泉影動青菡萏主
僧爲前導矜客富奇覽岳痕蜿蜒卧巧若出鬼鑿汨流
苔磔度陰洞松雪揜華蓋滑可捫神寰垢自膽仙姑巢
其上側足覩幽窗重扉蓄內景鴻瓏古誰撼既訝碧猿
蛻復隱紺髮髮出險詡所能臨深謂何敢冷風回人衣
歸路有梅糝

洪襄惠公圍中峯石歌

在錢唐
西溪

苔梯不歸狐狸迹崩雲上壓三十尺東風一夜開履綦

橫出殘梅點明燼當日園開迎貴塔仇大鑿春池照珠
翠咸窻俟印竟墮地七兒爭妍猶插髻金閨妖血無人
見塞上燕支洗羅薦二百年來如抹電蒼石無言淚如
霰

二月十七日雨中湖上二首

催花應不爲花愁點滴疎篷喚出游太半春雲如夢裏
尋詩人倚十三樓
著意船頭溼酥雨生情柳外埽殘寒春懷酒病依稀在
眞箇花如老眼看

自石湖至橫塘二首

楞伽山頂溼雲堆噤瘁桃花出廢臺萬頃吳波搖積翠

樊榭山房集卷七

七

春寒來似越兵來

青山斷處水連村踏草無人見履痕爲愛橫堂名字好
夢腸他日繞吳門

游鶴林寺

江村近寒食花柳發天慳舟噎荒城下輿鳴野水灣曉
餅劉帝井午磬戴公山欲問千年事高僧但掩關

廣陵城南看花作

一灣碧水疎籬護今人栽花昔人墓今人又作墓中人
惟有花開客來去

夏五雨後同意林登隱几山樓望江湖諸山懷

功千游華亭

密樹含餘清平池帶微濤是時積雨斷何以敞心目高
哉君家樓脩楯俯萬屋翳窗新桐枝爲我翦蒼玉鳥下
數歸雲眉閒攬眾綠正爾山氣佳散作風肅肅頽陽在
衣袂幽鳥亦相逐同心念薄游雕章慰夙獨停琴味幽
蘭呼茗煮溪淥遙知孤吟人草蟲人明燭

病疴少閒西顛聖幾見訪

日長一鬼欲銷除倦倚屏風獨枕書老去故人多已逝
病來學侶未全疎香芸有味求公是緜竹多慙薦子虛
何似南湖堪坐夏白荷花底數游魚

新安吳東巖孫婦朱孺人殉節詩

問政山高雲纒纒瑶姬夜躡青鸞尾竹陰黯澹桂魄香

欽榭山房集卷七

七

左挹湘娥右山鬼欲滅不滅深屏燈朝來炎赫如懷冰
爲郎無計挽白日妾命畢以朱絲繩郎家閨門若朝典
一杯薑橘靈車餞誰知泉穴百年同不道歡言當日淺
祖翁聞之泣且驚鉅篇上媿劉更生東巖爲作傳我爲作歌少
塵土滌筆新安江水清

七夕後一日湖上雨後作

客攜河朔杯邀我汎湖水蕩舟荷花中山雲忽樓起隔
花聞龍腥蒼茫不辨咫驚雷般空曲驅雨入城市風迴
白苧薄天開青柳靡餘飄灑平波劣見淫沙背勇退熱
屬斂戰勝金神喜差強丈八溝目無貴公子

病中承功干以佳鼓滿器見餉遂進淖糜率裁

小詩報貺

毘邪口醜欲談空幽豆提攜裹飯同不學南朝王散騎
但和薑蒜挂屏風

舟泊平望懷王載揚容都下

平望亭前落照紅十年幾度繫孤篷湖田芋熟連朝雨

水國鱸香大段風泊宅荒村無釣竇

泊宅村在平望震澤間乃張志和所居見滄懷錄

耕閑舊里有吟翁

孫統亭頤叔號耕閑宋末隱居平望有詩集

六街塵土流連處曾

否吳歛入夢中

送沈丈樗崖游漢陽

長歌行色健頭白此揚舲江落小孤秀天寒大別青囊
中名畫錄槎上老人星歸去書能寄餐松對敬亭

樊榭山房集卷七

三

小玲瓏山館月夜答方右將見懷

寒征背旅雁飛帆越江潯寂寥閉山館遙夜何幽森微
月澹絕壁淒烟冑疎林登高眺平楚霜氣皓盈襟迴燈
理故書忽見瑤華音攄情一何厚鳴謙已而深報無飛
霞佩祇枉秋水心夫君抗高步浮止當可尋好修永自
茲豈慮年鬢侵蹇予風塵際行役懷欽欽重城隔閭巷
今夕如孤禽矧復千里遠離思紛難任對酒不能飲直
爲君沈吟

過小玲瓏山館有懷樊榭用張司業寄韓昌黎

韻

歙縣方士麴右將

頑鈍苦檢束薄俗恣便安當前昧矜式頓失心志閑

繫我有良朋朗潤雙壁連謂際谷半橋駕言適虛館爰憇玲

瓏山古翠羅峭壁榮木蛻高蟬南風一披拂盪滌襟

懷煩游目騁吳越浩渺烟雲開念彼秋水人宛若珠

在盤憶昨誦佳句導我百尺竿今茲苦離索雖美誰

為前何當過江來把臂期晤言

揚州新構梅花書院紀事二十韻為秋玉賦柳花筵

黃州

一簣前朝築層臺久已傾榛莽誰翦雜堂廡忽崢嶸斷

手由蒼舊同心快落成喬林書閣迴疎影墨池橫帶草

緣文砌衣魚走旅楹人來石倉學地勝月泉名都講堪

重席高材自短檠俗將歌吹易氣以菑蘭更白雁江南

樊榭山房集卷七

古

識紅羊宋室平雙忠同抗節百戰力嬰城純孝維桑重

天恩綽楔旌庭闈因愈疾笄幃獨懷清血盡棲魂館

風纏託體瑩異時齊俎豆列屋若宗祊書院之左祀宋

文太守頌徧魯諸生丹腹期千禩青鞵訪二覺無忘等

嘉樹有道補由庚為約春初霽還尋郭外行仍持無算

爵共聽栗雷鳴

金壽門有犬名曰小鵲要予賦長歌

高人寓物意本廉祝雞抱犢初無厭要與眾嗜相鍼砭

何來小犬暫且黔細散茸尾厥喙尖美淨不使塵泥霑

似舐丹鼎垂瓊珣碧桃花下瑤草謙仙姝門戶防俗覬

一聲吠上金背蟾何人盜取歸重欄先生得之笑娑娑
勝聘狸奴裹吳鹽練香熏透毛鬚鬚字以宋產辭頗謙
畫筒書樞伺守嚴虹月舟載曾廬淹昏鐘幾杵霜氣鈿
麩炭火爐雪一秋讀倦抱汝寒無嫌主人齋盃芹茆醜
飯餘分供味亦甜魚砧饒沐休重拈風人田車詠載獮
下彬險出決錄槩烏龍錦茵羨香歛冬郎妒媒語詹詹
一時豪豔誠難兼愛才蕭僕得汝添絳繒不逐高門炎
邊鸞爲君拂新練題下視李迪筆勢纖低頭欲入衣襟
檐歸來清江卧茅苦越山鈿朵青刺簾手栽花護娛老
簞雪麋名共縹囊籤張伯雨還錢唐詩雪麋護手
栽花自注雪麋元州犬名也

冬日馬秋玉佩兮招同葭白被江壽門廉風西

樊榭山房集卷七 五

顥江臯集小玲瓏山館限韻時予與西顥江臯
將還武林

誰道天涯樂飲仍清冬無事集吟朋畱歡短日侵簾額
隔坐疎枝並石棱鄉思酒邊懷越酒舊聞燈下話包燈
物華兩地牽人夢多媿離騷語斲冰明李廣陵包壯行
製燈有名號包燈

同作

錢唐金農壽門

少游兄弟性相仍石屋宜招世外朋萬翠竹深非俗
籟一圭山遠見孤棱酒闌遽作將歸雁月好爭如無
盡燈尚與梅花有良約香黏瑤席嚼春冰

臘日同周少穆汎湖

殘年風景得重經更借湖波倒玉餅寺鼓漸催沙草動

船窗纔放雪峰青酒壚泉下無消息舊曲尊前有典型
舉似梅花知此意冰澌苔澀上空亭

時人竟樂
城隍下世

西溪曉起

以下乙

首春溪中寒偃卧如屈鐵宵分天柱夢覺來轉清切開
門殘月在下見數峰雪雪際生白雲宵暎不可說登橋
水市靜尋徑冰泉裂田翁尚無事初陽候林缺懷新意
似欣理舊抱已結何如巖棲人難竹飯松屑

行田至荆山嶺下作

大山何連延細岑若迴顧中有微徑通兩村隔松霧平
疇開朝日宿麥半凝沍雲根脈未洩涓流但微注野人
籬落小鳴雞隱雜樹雖無汜勝書農話眷幽素稍營下

樊榭山房集卷七

六

溪業更羨上洄住竹橋滑春霜往來定非誤

庭梅二月朔始花

牆陰的的兩三枝風信纔臨暝色遲可是春人易惆悵
疎花明月不同時

臯亭看桃花舟中同孫瑤圃右階作

輕陰只傍北山阿游舫招要此再過十里風寒花淡淡
滿塘春碧水羅羅不逢漁子應迷路喜有詞人共踏莎
韶景依然年少去手中芳醞正須多

吳興月河雜題五首

炊黍重來負景光南風草木有餘香臨湖門外舟如葉
看盡青蘆十里長

溪閣誰家有笛聲釣游無處不關情水雲寥落暮天出
青翠數峯城上明

菱絲荷葉到階除頗羨才人此卜居慙媿月河爲寓客

所聞前事不勝書

月河所聞卷末
吳興莫君陳撰

隔溪燈火晚冥濛畱客空齋賭酒筒鄭重陸家兄弟意

夜涼笑語水光中

謂姚玉
菽蘭成

燕燕交飛鴨鴨喧沿波思與故人言陳郎

授
本賓榻知無

暇安得往來楊柳門

鮑西岡明府罷官後十二年復來宰長興頃從

授衣處讀其詩集作此奉懷

憶昔共年少論詩官閣曾赤衣今日盡白髮再來增會

樊樹山房集卷七

七

面山雲隔彈琴溪月仍他時傳俊逸爭號鮑長興

唐改堂使君索和元日之作

夢覺鈴齋冷絮顛早分春到使君前朝正尙憶蓬山直

課績應同韻海傳官棧嘗茶民事簡農家探繭物華妍

楊亭謝館追遺蹟黃閣遲登爾許年

公石尊聯句韻

閏夏集嘉客夙起羅清尊

沈倫翁
樹木

一郡山水古百年蒼舊

存鷺蘆深刺船影竹密梢橋痕

杭大宗
世駿

乾鵲噪老屋長蚊

垂前軒

沈東甫
炳震

蹙然笠屐到宛爾昆友敦

沈經旃
炳巽

棄捐薄俗禮往復同心言

沈幼敏
炳謙

茵溷各安遇蘭艾紛殊根

樹
木文纒

藉貞玉白水寒芳蓀鸚戀三宿桑下畱十日平原世浪

浪雨鳴瓦滾滾雲出門顛急擬拈羽似細並飛絲論顛

陰機幹溟滓神化合混元謙烟駕不肯駐日車豈愁翻巽

樹林滋梅磊落溪暖萍温暎鸚積靄斂萬象大聲廢羣

喧世掄金協至聽漱玉清營魂震連蜷蕉心展麗毅桐

花繁烟衣徽那可攬琴潤誰能援謙飄搖狎鷗鷺滂沱

沐乾坤樹談豪袂時奮坐久燭屢捫鸚筆陣儼魚麗酒

兵猶蜂屯巽韻艱困師服辭聘追文園震天骨森萃尊

健格超籬樊巽詩鵠設三乏義途馳兩轡謙上下騷雅

際溯沿清濁源本樹寂憩蛤吠野倦欠雞號村鸚騎岑俟

景霽吐滃蒙霾昏巽渴畏苔匳盡夢欣香鉦温震吾儕

樊樹山房集卷七

六

意氣合繾綣非懷恩巽

題敬身所藏宋石刻劉商觀奕圖拓本次沈啟

南韻

翰墨能齊張璪名又從摹勒見圓成拓輕蟬翼渾相似

筆細蠶絲不敢爭殘楮人閒無二本一枰松下有長生

綠陰茗會清江上展向晴窗眼倍明

八月四日同沈繹旂幼牧汎舟後莊漾游上金

寺

西風卷天雲水物覽澄霽輕舟屢蔽側秋渚轉迢遶菱

絲冒波鏡柳影出峯髻漁情滿蒹葭詩思落空翠向來

境已遷弭楫到初地寂寂蓮宮開陰陰松子墜靜息僧

椎暄古見佛傘毀尋澗咽復流披篔亂無次虛曠絕塵
機颯杳驚涼吹將還重裊回落日在巖際

下菰城

古城並青山鳥噪城上蘿侵女牆平竹惡樵路妨綠
岡陟嶮危髣髴門有閤其中復何見飛藿隨風颺涼雲
墮層阿林莽時一漲我聞春申君并邑此馬訪絕秦思
重閉相楚取大壯遺功猶堅完故壘屹相向千秋同屈
指事往祇惆悵

游菁山常照寺

余生嗜幽討輕身藉孤筇矧此吳西山歷歷青芙蓉古
戍殘壁在小市樵人逢悠然無盡意一徑緣風松同行

樊樹山房集卷七

七

二沈子妙語時相供稻膝度斜日預想聞疎春到門澗
響合深殿香烟封碑鐫嘉泰牒活筆猶鸞龍追惟叔始
年高僧隆茂宗畫充內供奉天笑朝從容擣蒲襲蜀錦
煥儼紅樓蹤癸辛雜識思陵御府
寶曆雜畫擣蒲錦標乞身向空谷說法鳴霜鐘若

人悟懸解了非罣礙曾聞世如浮囊誓願棲雲峯我來
思展禮登臨悵何從傑閣聳遺構網戶光彤彤漏地憑
佛力鬼瞰難爲凶寺後高閣明時自范
祭酒應期家移建四周碧玉椽夏磨晴翠

濃太息萬緣幻轉向世諦慵矯首窄堵波卓筆深林重

沈襄敏公東涼山別墅晚眺

中田一拳碧落景淒百卉亭館野僧居矜剝今餘幾廢
池浴獨鶴亂藤嘯山鬼堂堂太傅公平蠻功最偉雲霄

史臣筆風雨羣小誹至今行樂地草木眾猶避相攜到
來孫清論翻有斐晚風吹漁歌秋入西塞尾

倪文簡公經鉅
堂雜志云下城

菁山之間一帶
遠山爲西塞山

雨中舟過衡山漾

竹溪止三宿流連極文讌遂爲郡中行解纜疎雨濺芳
尊惜墜歡澤國起遙眇沿洄舟轉滯風逆如激箭出浦
卽通川川光遞隱見白雲被青嶂彌望鋪組練居民非
楚俗商氣滿吳甸誰能生古愁坐令齒髮變

晚霽登峴山寄吳丈琳巖

蒼巘際遙汀歸雲不復吐乘興事攀躋一一辨村塢去
鳥淨華雲來帆出疎樹伊人渺何在咫尺隔前浦空亭

樊榭山房集卷七

三

瓦影落荒碑鮮痕聚斟酌千載心石尊貯秋雨

中秋月夜吳興城南鮑氏溪樓作

銀雲洗鷗波月出玉湖口照此樓下溪交影卧槐柳圓
輝動上下素氣浮左右坐遲月入樓寂寂人定後裴回
委枕簟窈窕穿戶牖言念嬋媛子牽蘿疑竚久納用沈
郎錢笑沽烏氏酒白蘋張佳期彤管勞摻手乘月下汀
洲遙山半街斗明當渡江時復別溪中安

正月十九日探梅入龍歸塢晡至西溪

以下丙辰

辭舟理輕策高處望溪源日落泉明滅山空氣晏溫亂
疑雲滃竹香訝雪分村欲就梅花宿春風爲掃門

春晴登吳山同竹田江臯西顛聖幾作

振衣仍得躡芳塵，追逐風光似有因。
燈市乍收三日雨，酒樓遠接一湖春。
山王不入林中詠，陶謝居然我輩人。
誰賞鈿車來往路，落梅如雪撲吟身。

鬻書和沈峙公

收處心常損，拈來淚欲垂。
誰憐非長物，竟遣易晨炊。
宿讀人難得，長貧我自知。
祇愁肉食者，還有鬼名啜。

兩史人勸柳津

鬻書答曰吾嘗請道士
幸罪鬼安用此鬼名邪

西湖柳枝詞六首

相識東風萬萬條，冶游付與玉驄驕。
等閒回首情難盡，行過長橋更短橋。

藏鴉門外綠，惜惜染雨烘晴色。
漸深底事錢唐蘓，小小

樊榭山房集卷七

三

不將翠帶結同心

千絲踈地復臨湖，記得年時賣酒墟。
惟有箇儂偏愛惜，三眠還要倩人扶。

芳草春來斷客魂，楊枝只合伴桃根。
滿湖碧水游船散，西月東風在寺門。

鬪盡纖腰一兩枝，水仙王廟日斜時。
青青不許游人折，細葉如翬更泥誰。

路旁烟態冒朱樓，長送行人千里游。
願作湧金門外樹，生來渾不識離愁。

趙忠毅公鐵如意歌

上有銀鏤銘云其狗無饑廉而不訓以
歌以舞以弗若是折唯君子之器也

南星凡小篆
二十六字

鐵花鏞澀尺有咫一朶冷雲吹不起四周銀鍍篆畫巖

古器曾經近君子高邑趙公卓犖才東林黨籍標渠魁
要扶岷正黜羣小不悟晚乃爲身灾高皇辛苦營九有

輕擲乾坤崔魏手拯人假子滿朝廷豈獨見泉竟無後

匹如祥麇在苑囿猓獠構机驅之奔擊壺歌罷提攜舞

北闕關心淚如雨恨不親將逆豎頭碎如王氏珊瑚樹

力疏四害論四凶公於神宗朝爲選郎上四大害疏光宗朝爲總
憲斥元詩教諭興邦官應辰吳亮嗣著四凶論願鑄

禹鼎代天功人閒萬事不如意佳名眞與奇觚同鐵兮

何清寒乃是公之忠義肝鐵兮何突兀乃是公之戍死

骨我購得此常賣家傳觀四座寂不譁若采銘文備史

樊樹山房集卷七

三

事流傳億代可以箴官邪

飲城東許氏水軒二首

主人高閣外野趣一區寬細草漸淅徑春波屈曲闌拈

舟無不可命屐此來看商略吹花雨幽懷禁薄寒

年年行樂意人事每相違畫角高城動梨花薄暮飛眞

成客不速猶道醉無歸歸路惜分手殘陽在袂衣

七月十五日夜宿羊流店望徂徠山同功干作

圓月出蒼莽涼風生樹閒流光滿空際西照徂徠山越

客寫鞍罷魯人炊黍閑因之惜清景露坐話鄉關

白溝河懷古次壁閒韻

一片塵沙閱世餘薊門烟樹望如初茫茫古道聞蜚語

寂寂荒村上蟹胥奪取瓦橋周業盡畫成帶水宋謀疎
紫蒙何處秋風館戴斗空傳奉使書

十月十三日接葉亭畱別金繪白金壽門符幼
魯全紹衣王載揚申及甫汪西巖

釀飲非關醉浩然吟復吟客心如落葉遙夜感羈禽文
史耕漁用春秋保社尋明朝驢券後一幅寫寒林

歲暮行答蔣丈雪樵

歲云暮矣百工休幽人閉門清似水無錢何處貰芳尊
有鳥多情啐梅藥忽傳白髮杜陵安落手長歌在連紙
自言賦命坐天窮爲灾頃遇吳回氏三閒老屋付無何
數簣殘書嗟已矣且須逃債類謔臺只合忍飢如甫里

樊榭山房集卷七

三

蕭條身事集闌年欲喚奴星行且止我棲山澤久沈冥
卻因公府相料理邪麻爭笑伯龍癡漫浪翻成司馬悔
歸來時序已趨趲跌宕依然向文史良辰相與撰逍遙
剛卯旋看書殺改安今有道能不憂藥賣伯休聊爾耳
明朝三徑轉春風連襜追游從此始

樊榭山房集卷七

